


PN
6267
C5I18
1748
V.13



歷代名賢齒譜卷七

湘鄉易宗浩公申輯

男易

祖俞

祖謙

祖本

東校字

七十歲

曲禮七十老而傳謂將家事傳在子孫

王制七十二膳

又七十杖於國

七十

不俟朝

七十不與賓客之事

七十致政

內則七十致事

七十養於學

說文七十曰耆

曲禮大夫七十而致仕若不得

謝則必賜之几杖

史記七十自稱曰老夫

七十者不有大故

不入朝若有大故而入居必與之揖讓

漢書民年七十者授之

以玉杖餽之以鹿糜粥八十者禮有加賜

白居易詩已開第七

秩屈指幾多人則七十亦可以言衰

曲禮疏七十有德君不許

致仕

伊摯豐下銳上已黑而短僂身而下聲年七十而不遇湯聞其賢設朝禮

而見之摯乃說湯致於王道

皇甫謐帝王記

姜尚年七十屠牛朝歌市

又太公七十而不自達不強合非其人也一

合於周而七百歲

說

又呂望七十釣於渭渚三日三夜魚無食者與

農人言農人者古之先賢人也子將復釣必細其綸芳其餌徐徐而投之勿令魚駭望如其言初得鮒次得鯉剗腹得書書文曰呂望封於齊

高彪箴呂望七十氣冠三軍

白居易詩昔有白頭人亦釣此渭陽

釣人不釣魚七十待文王

百里奚知虞公之不可諫而去之秦年已七十矣

孟子

七十而從心所欲不踰矩

論語

老萊子楚人七十歲嘗服斑斕衣爲嬰兒戲於親前佯跌而啼楚王聞其

賢請以爲輔其妻負畚策而來曰何車跡之衆也老萊具言之妻曰妾

聞可啖以肉酒者可隨以鞭朴可餌以官祿者可繼以斧鉞妾不能爲

人所制投其畚策而去老萊遂從之辭而偕隱焉

編年考

曾子七十學易名聞天下顏氏家訓

晉平公問師曠曰吾年七十欲學恐暮師曠曰何不秉燭乎平公曰安有

人臣而戲君師曠曰安敢戲君臣聞之少而好學如日出之陽壯而好學如日出之光老而好學如秉燭之明秉燭之明孰與昧行乎公曰善
春秋紀

成回學於子路三年回敬恭不已子路問其故回曰臣聞之行者比於鳥上畏鷹鸇下畏羅網夫人爲善者少爲諛者多若身不死安知禍罪不施行年七十常恐行節之有虧回是恭敬待大命子路稽首曰君子哉
說苑

魯機汜年七十其恭益甚魯君曰子年甚老不可釋恭乎機汜曰君子好恭以成其名小人學恭以除其刑譽人者少惡人者多行年七十常恐斧鑕之加於汜何釋恭爲
說苑

楚邱先生行年七十披裘帶索見孟嘗君曰先生老矣春秋高矣多遺忘矣何以教之楚邱曰噫將使我追車而赴馬乎投石而超距乎逐麋鹿而搏虎豹乎吾已死矣何暇老矣使我正詞而當諸侯乎使我定嫌疑而決猶豫乎吾始壯矣何暇老矣
劉向新序

侯羸年七十爲夷門抱關信陵君救趙侯生策以請如姬盜兵符奪晉鄙兵又遣力士朱亥袖鉄椎殺鄙公子選兵而進遂却秦存趙史記魏有隱士曰侯羸年七十家貧爲大梁門門者魏信陵君置酒大會客從車騎虛左自迎侯生淵鑑類函

商邱子胥者年七十不娶妻而老好吹竽牧豕問其道要言但食老木莒蒲根飲水如此便不飢不老耳列仙傳

辛孟年七十與麋鹿同群世謂倦仙山堂肆考

桓公讀書於堂上輪扁斲輪於堂下釋椎鑿而上曰敢問公之所讀爲何言耶公曰聖人之言也曰聖人在乎公曰死矣曰然則公之所讀者古人之糟粕已夫臣也以臣之事覩之斲輪徐則甘而不顧疾則苦而不入不疾不徐得之於手而應於心口不能言有數存乎其間臣不能以喻臣之子臣之子不能受之於臣是以行年七十而老斲輪古之人與其不可傳也死矣然則公之所讀者古人之糟粕已夫莊子

齊桓公微服而行於民間有鹿門穰者行年七十而無妻桓公問管仲曰

何以令之有妻仲曰上有積財則民遺乏於下宮中有怨女則有老而無妻者桓公乃令於中宮女子未嘗御者出嫁之乃令男子年二十而室女子十五而嫁則內無怨女外無曠夫

韓子迂許

齊宣王時處士牧犢子者年七十無妻薪於野見雉朝飛援琴而歌作雉朝飛操曰雉朝飛兮鳴相和雌雉羣遊於山阿我獨何命兮未有家時將暮兮可奈何嗟嗟暮兮可奈何

樂府解題

魯有單豹者倍世離俗岩棲谷飲年七十猶肖于嬰兒

類書

范增巢人年七十輔項羽霸諸侯羽信反間增乞骸骨歸

史記

田何字子莊淄川人年七十家貧守道不仕惠帝親幸其廬受易齊魯之

士多宗之編年考

馮唐年七十文帝輦過郎署曰父老何自為郎與之論對救薦魏尚上悅

赦魏尚復為雲中守而擢唐為車騎都尉

編年考

顏驄江都人年七十尚仕郎署武帝輦過見驄髭鬚皓白衣服不完上問曰公何時為郎何其老矣對曰臣顏驄文帝時為郎上曰何不遇也驄

曰文帝好文臣好武景帝好美臣貌醜陛下好少臣已老是以三世不遇也上憮然拜爲會稽都尉

編年考

李少君以祠竈辟穀却老方見漢武帝匿其年自謂七十常從武安侯飲坐中有年九十餘老人少君乃言與其大父游射處老人爲兒時從其大父行識其處一坐盡驚少君見上上有故銅噐問少君曰此齊桓公噐桓公十年陳於栢寢已而案其刻果然盡以爲少君真數百歲上也

史異

韋賢字長孺守正好學位至丞相賜第一區年七十以執政致仕自賢始

諡節侯

輿志

張安世字子孺杜陵人年七十宣帝下詔老臣令朝朔望號稱祭酒初上

幸河東嘗亡書三篋詔問莫能對惟安世悉識具述其事後得書相校一無所遺以定策功封富平侯拜大司馬食邑萬戶而身衣弋綈夫人

自紡績子孫七葉官侍中諸曹散騎者數十人

編年考

石建爲郎中令年七十帝問曰白首石君尙無恙每五日洗沐歸謁

同上

朱雲字游魯人七十歲在成帝前欲借尚方斬馬劍斬帝師安康侯張禹
上大怒欲殺之御史將雲下雲攀殿檻三折呼曰臣得從龍逢比干游

地下足矣賴辛慶忌力救得解同上

班固上東平王書故司空掾桓梁宿負重名冠德州里七十從心行不踰

矩蓋清廟之光輝當世之俊秀也東漢文選

班超妹曹壽妻昭上書曰妾兄西域都護定遠侯超幸得以微功特蒙重

賞今且七十衰老被病頭髮無黑兩手不仁耳目不聰明扶杖乃能行

後漢書

鍾離意薦劉平表竊見瑯琊王望字慈楚國劉曠後改名東萊王扶字子

皆年七十執性恬淡所居之處邑里化之修身行義應在朝次書奏賜

辦裝錢至皆拜諫議郎東漢文選

王充以元和二年罷州居家年漸七十時可懸輿仕路隔絕志窮無如事

有否然身有利害髮白齒落日月踰邁儔倫彌索解所倚恃乃作養性

之書凡六十篇論衡自紀篇

七十之歲揚雄擬經徐陵議左僕射表

陳囂字子公拜大中大夫年七十每朝賀帝待以師傅之禮賜几杖入朝

不趨贊拜不名謝承後漢書

貢禹云年老貧窮家貲不滿萬錢妻子種豆不賸裋褐不完犬馬之齒八十一血氣衰竭凡有一子年十二禹言如此是七十時始生此子也寓簡

王符自叙贊章和二年罷州家居年漸七十始可懸興漢文選

公乘陽慶臨淄人精於醫年七十無子謂淳于意曰我有古先生遺傳黃

帝扁鵲之脉書五色診病知人死生決嫌疑定可否及藥論書甚精我

愛公盡以授之於是意學之三年醫道遂精編年考

荀彘字慈光舉孝廉年七十淵明集

荀爽字幼慈司徒掾年七十同上

陳實遭黨事禁錮二十年樂天知命淡然自逸及文書赦宥時年已七十

遂隱邱山懸車告老四門脩禮閉心靜居蔡伯喈陳大丘碑文

喬玄字公礼光和元年以玄爲大尉玄曰臣犬馬齒七十可以生可以死其戮力閉私悉心在公以盡爲臣之節

蔡邕西昌銘

鄭玄戒子益恩書曰但念述先聖之元意思整百家之齊亦庶幾以竭吾才而黃巾爲害萍浮南國復歸鄉邦入此歲來已七十矣宿素衰落仍有失誤按之典禮便合傳家今我告爾以事將閑居以安性覃思以終

業後漢書

曹植靈芝篇伯瑜年七十綵衣以娛親

駢字類編

王粲字仲宣高平人善屬文獻帝時徙長安蔡邕見而奇之聞粲在門倒屣出迎年七十司徒辟召除黃門侍郎

荊州府志

趙相汝南李統少幼爲冀州刺史奏曰久忝重任負於素餐年漸七十礼

在懸車頃在疾病愈存首邱比日乞歸未見聽許居無幾冀州有疑獄

章帝見問統二處當許平克厭上心即日拜統侍中

風俗通義

蔣濟萬機論曰許子將褒貶不平以妨樊子昭而抑許文休劉曄難口子昭拔自賈豎年至七十退能守靜進不苟競濟曰子昭自幼至老容貌

光潔觀其揮齒牙拊頰頰吐唇吻自非文休之敵

世說

段灼追理鄧艾疏故征西將軍鄧艾心懷至忠而荷反逆之名平定巴蜀而受三族之誅臣竊悼之艾功名已成亦當書之竹帛傳祚萬世七十老公復何所求哉

漢文歸

田豫字國讓武清人仕魏遷南陽守盜賊屏跡境內肅靜辭位不聽答司馬宣王書曰年高七十而居位譬之鐘鳴漏盡夜行不休是罪人也

魏志

游明根七十之年可充五夏之選

魏詔

王濬字士治勸伐吳疏曰孫皓荒淫宜速征伐臣作舡七年日有朽敗又臣年已七十死亡無日二者一乖則難圖也

晉書

荀顗博學洽聞仕魏爲司空年七十居毋憂哀毀幾滅性

萬姓統譜

世祖於東府宴會王公畢集勅見求陀跋摩時未及淨髮白首皓然世祖送望顧謂尙書謝莊曰摩訶衍聰明扣解但老期已至朕試問之其必怡人意也跋扈上階因迎謂之曰摩訶衍不負遠來之意但惟有一在即應聲答曰貧道遠歸帝京垂三十載天子恩遇銜愧罔極但七十老

病惟一死在帝嘉其機辨桑門房記

王右軍與周益州書足下今年政七十耶知體氣常佳此大慶也想復勤加顧養吾年垂耳順推之人理得爾以為顧恐前路轉欲逼耳以爾要游目汶巖非復常言恒當保護勿謂虛言得果此緣一段奇事也謠山

華寶父豪晉末成長安年八歲臨別曰我還為汝上頭後長安陌父歿寶年七十不婚冠或問之輒號痛齊高祖表其門南史

劉毅字仲雄帝以毅清貧賜錢三十萬曰給肉宋年七十告老久之見許

以元祿大夫歸第門施行馬優賜錢百萬晉書

流寓王玄謨欲反因馳啟曰孝武知其虛以書慰之曰七十老公欲反何求耶後為吳起足以申卿眉耳玄謨性嚴未嘗妄笑人言玄謨眉

目故以此見戲百步

年已七十鬚髮皓白而氣力未衰跨鞍馳騁有若少年魏書

慕容超臨軒顧謂封孚曰朕於百王夫誰為比孚曰可方桀紂超大慚怒孚疑然不為改容徐步而出鞠仲曰與天子言何亢厲如此宜還謝孚

曰年已七十墓木已拱惟求死耳何謝為未幾為劉裕所滅晉書

周弘正答林法師詩客行七十歲暮遠徂征聯字類編

虞玩之字茂理年老有疾請退曰四十仕進七十懸車壯即馳驅老宜休

息知足不辱臣知足矣齊書

齊初有沙門僧溫行年七十道行難測遊化為任曾度梁高供養一十二

年後辭北還行住此垵創立寺宇而虎狼鳥獸遶寺鳴吼似若怖溫二

出門語曰汝是畜生十惡所感吾是人道十善所招罪福天懸何勞於

我汝宜速去於是鳥獸永絕此山而溫身長七尺威儀凜凜眉長尺餘

垂蔽其面而欲有所覩以手塞之故至於今猶有寺號而俗猶呼為溫

公垵齊書

沈慶之年七十以韓襄反奉命討之進號鎮北大將軍開府儀同三司慶

之因辭之上賜宅四所室宇甚宏一夜移子孫居同舍以宅還官

王敬弘加開府儀同三司上表曰願惜昏髦志與願違禮年七十老而

家二道猶然況在於國伏願陛下矜臣西夕特開聖恩開天追下

心盡矣竟不拜東歸

宋書

邱寂之字德玄烏程人年七十爲州西曹兼直主簿刺史王琰夜行還前驅已至而寂之不肯開門曰不奉墨書或方於車中爲教然後開或嘆曰不意郅君章近在閣下即轉爲主簿

湖州府志

徐陵在吏部答諸求官人書僕七十之歲朝思夕計並願與諸賢爲直善知識曾無嫌疑差可周旋又與東海族人書吾七十之年崦嵫已迫朽老之疾隨年而甚徒懷北邙之切未遂東都之期牽役乘閒但有衰頓

本集

庾信爲開大將軍乞致仕表禮云大夫七十致仕於朝傳家於子膳則二珍衣稱苦制臣出身奉國四十餘年遭遇風雲從微至著而臣甲子既多髦年又及無忝賓客之事謬逢諸侯之班尸祿素餐久素餐與輔妣

路

袁憲字德章兄樞爲左僕射憲爲右僕射臺省目樞爲大僕射憲爲小僕射朝廷榮之隋文帝下詔以爲江表稱首授開府儀同三司

昌州刺史開皇十八年七十七南史

王度得侯生古鏡係黃帝第八鏡妖怪一照不可逃形及度奉詔撰周史欲爲蘇綽立傳度家有奴曰狗生年七十矣本蘓氏部曲頗涉史傳解屬文見度立傳因悲不自勝云此鏡係蘓公之鏡苗友季于所遺死日卜之云先入侯家後歸王氏見其言驗是以泣耳古鏡記

方山道人時元亨鎮真厭世三十餘年精垂涕泣俱惜之七十髮不自走及奔馬雲山雜記

張寶藏爲金吾長歸樸陽路逢少年畋獵割鮮食倚樹嘆曰寶藏身年七

十未嘗得一食如此傍一僧指曰六十日內官登三品何足嘆也言訖

不見寶藏還京時太宗苦於氣痢衆醫不効寶藏具疏以乳剪華撥方

服之立瘥後復作一啜又平授寶藏三品官鴻臚寺卿正六十日續觀

主于京得劉公京九子丸王公時七十服之能御八十妾生二十見騎馬

獵日行二百里飲酒一斛不醉壽至二百歲列仙傳

王紹業父遠知臨仙化時遺命紹業曰爾年六十五見天子七十歲見女

君皆如其言 編年考

高宗問魏元忠曰外以朕爲何如主曰成康文景然則有遺憾乎曰有王彥方一世豪英而死草萊議者謂陛下不能用賢帝曰我適用之聞其死顧已無及元忠曰劉藏器行副於方陛下所知今七十爲尙書郎徒嘆彼而棄此帝默然 唐書

狄仁傑七十爲內史武后幸三陽宮有胡僧邀車駕觀壘舍利后許之傑跪於馬前曰佛者戎狄之神不足以屈天下之主彼胡僧詭譎直欲招致萬乘以惑遠近之人上后中道而還曰以成吾直臣之氣於是后益信重仁傑嘗薦賢數十人率爲名臣或謂傑曰天下桃李悉在公門矣傑曰薦賢非爲私也 編年考

張柬之字孟將襄陽人七十歲以賢良召對應武后詔第一 同上

王維戾門歌云向風別頸送公子七十老翁何所求 香字詩談

岑參戲問花門酒家翁詩老人七十仍沽酒千壺百甕花門口道傍榆莢仍似錢摘來沽酒君肯否 又胡歌黑姓蕃王貂鼠裘葡萄宮錦醉纏

頭關西老將能苦戰七十行兵仍未休

全唐詩

杜甫曲江詩曰酒債尋常行處有人生七十古來稀

杜集

李泌七十歲封鄴侯自陳告老上曰深知卿勞苦但未得可代之人耳泌

因薦竇參董晉可用上遂相之

編年考

竇鞏詩年來七十罷耕桑就暖支羸強下床滿眼兒孫身外事閑梳白髮

對斜陽

唐詩

白樂天詩石盆泉畔石樓頭十二年來晝夜遊更過今年七十假如無

病亦宜休

又幡然七十翁亦足稱壽考

又昨日復今晨悠悠七十

春所經多故處却想是前身螺盃中有物鶴髦上無塵

又白髮如雪

五朝臣又入新王第七旬

又予與夢得甲子同今俱七十偶吟自慰

兼呈夢得且喜今年蒲七旬莫嫌衰病莫嫌貧已爲海內有名客又

世間長命人耳裡聲聞新將相眼前失盡故交親尊榮富壽雖兼得

坐思量最愛身

又六讚偈云樂天常有願也以今生世俗文章之

翻爲來世讚佛乘轉法輪之緣也今年登七十老矣病矣與來世相去

世通故作六偈跪唱於佛法僧前欲以起因緣源為來世張本也長慶

白居易答皇甫監詩寒宵勸酒君須飲君是孤眠七十身莫道非人身不

眠十分一盞暖於人又高僕射詩惟有高僕射七十懸車蓋我年雖

老歲月亦云邁預恐髦及時貪榮不能退中心私自微何以為我戒

故作僕射詩書之於大帶又送袁瞻詩悲君老別我沾巾七十無家

萬里身七堆解愁兒舟行風又起白頭浪裡白頭人同上

元禎百牢關詩天上無窮路生期七十問那堪九年內五度百牢關絕句

有老征夫年七十見弄凉州低面泣七罷斂手曰將軍主憂臣辱昔所聞

奈何仍看凉州伎取笑恣歡無所愧縱無智力未能收忍取西凉弄為

戲白居易西凉伎詩

國子司業楊君巨源字景山方以能詩訓後進一旦以年滿七十亦白丞

相去歸其鄉韓昌黎集

顧況字退翁暮年有一子字非熊忽暴亡况哀悼不勝乃作詩曰老人喪

愛子日暮淚成血老人年七十不作多時別非熊冥間聞之以情告其

冥官冥官閔之却令生於况家三歲能言其間聞父苦吟求再生事歷

歷然長應舉擢第

詩史

姚合贈終南傅山人詩七十未成事終南蒼鬢翁老來詩興苦貧去酒腸

空潭靜魚驚米天晴鶴唳風悲君還姓傳獨不夢高宗

全唐詩

杜牧之送國棋王逢詩王子紋楸一路饒最宜簷雨竹蕭蕭羸形暗去春

泉長猛勢橫來野火燒守道還如周伏柱塵兵不愧霍嫖姚得年七十

更萬日與子期於局上消

山堂肆考

司空圖乙丑人日詩自怪扶持七十身歸來又見故鄉春今朝人日逢人

喜不料偷生作老人又修史亭詩甘心七十旦酣歌自筭平生幸已

多不似香山白居易晚將心地着禪魔又登高可笑少年場白菊籬

邊髻似霜益筭更希沾上藥今朝第七十重陽

全唐詩

李洞字才江贈唐山人重鬚長似髮七十色如鰲醉眼青天小吟情太

低千年松遶屋半夜雨連溪邛蜀路無限往來琴自携

同上

齊已贈盧明府閑居詩霜鬢垂七十江國久辭官蒲篋新風雅何人舊

寒閒居當野水幽鳥宿魚竿終欲相尋去兵戈時轉難 又喜乾晝上
人遠相訪詩彼此垂七十相逢意若何澹泊門難到從容日易過餘生
消息外只合聽詩魔 全唐詩

齊已七十作七十去百歲都來三十春縱使生得到終免死無因密理方
通理極真始見真沃州匡阜客幾劫不迷人 又病腸休洗老休醫七
十能饒百歲期不死任還蓬島客無生自有雪山師浮雲聚散俱閑慮
明月相逢好展眉 全唐詩

惟儼禪師澧州藥山僧年七十從馬祖得道一夜登山徑行忽雲開見月
大笑一聲應澧陽東九十里許居民盡謂東家明晨迺相推問太和八
年告寂唐文宗謚弘道大師 楚通志

吳湊敬章皇后弟也累官至兵部尚書及屬疾不內巫醫家人泣請對曰
吾以庸謹起田畝位三品顯仕四十年七十尚何求自古外戚令終
者可數吾以大年歸侍先人足矣帝知之詔侍醫敦進湯劑不獲已一
飲之卒年七十一謚曰成 唐書

孔戣字君嚴遷右散騎常侍以老自乞雅善韓愈七勸之告以二宜去愈

嗟嘆上疏言臣與戣同在南省其人守節清苦議論正平年七十筋力

耳目未衰憂國忘家用意至到如戣輩在朝不過三四人陛下不宜苟

順其求不留自助也禮大夫七十致仕若不得謝則賜之几杖安車不

必七十盡許致仕今戣據禮求退不許亦無傷義而有貪賢之善不報

以禮部尚書致仕歲致羊酒如漢徵士禮七十三卒謚曰貞

唐書

薛苹擢湖南觀察使以治行加御史大夫治身嚴薄所衣綠袍更十年至

緋衣乃易居三鎮聲樂不聞於家得祿即分散親屬除左散騎常侍年

七十致仕時有年過苹不肯去者論者高之苹居四年卒謚曰宣

唐書

元和末均州鄖鄉縣有百姓年七十養癩十餘頭捕魚爲業隔日一放無

網罟之勞而獲利相若老人抵掌呼之群癩皆至緣衿藉膝馴若守狗

戶部郎中李福親觀之

酉陽雜俎

李端贈康洽詩黃鬚康兄酒泉客平生出入王侯宅聲名恒壓鮑參軍班
位不過楊執戟邇來七十遂無机定是咸陽一布衣後輩輕肥賤衰朽

相依自言萬物有移改始信桑田變成海同時賦人皆
承遺詩君獨在步出東城風景和青山滿眼少年多借問朦朧花

家番鍾築高臺全唐詩

池人生唐懿宗末年常通判歙州時已七十老矣自韓熙載主文
以八卦賦霽後望鍾山詩喬卷稍後主司飲中選者升堂先坐宋貞觀
終以張洎先之又繼以喬先之榜出果喬第一洎第二貞觀第三與其
坐之次無差孫弘詰伍喬墓考

武殷者少有名譽聞勾龍生善相人熟好飲酒因持榼造焉因曰子之祿
與壽甚厚然而晚遇未至七十而小厄殷曰請以近日之事言之曰非
名與婦乎自此三年必成大名如此婚娶則未有兆殷曰約有所娶何
言無兆生曰君之娶鄭氏乎此固非君之妻也君當娶韋氏後二年始
生生十七而君娶之因問鄭氏之夫郎同郡郭子元也子元娶五年而
卒後十餘年殷歷位清顯每求娶輒不應後自尚書郎謫官昭陽郡守
韋安貞因以女妻之前定錄

王禹偁三月廿七日東仲感詩韶光止有兩三日浮世稀逢七十人青杏
勸君重酌酒牡丹邀我且尋春又寄豐陽喻長官七十年華鬢未霜
道情偏稱宰豐陽旦街請印無仇覽夜楊園碁止孟光喻婦庭戶
萬重嵐氣盛盤餐數町藥苗香猶言彭澤終歸去門柳青北檻菊黃集酌

孫集賢冕天禧中直史館三十年晚守蘓朞年大書詩於廳壁而去及詔
下公已歸矣詩曰人生七十鬼爲隣已覺風光屬別人莫待朝廷差致
仕早謀泉石養閑身去年河北曾逢李今日淮西又見陳寄語姑蘓孫
太守也須抖擻老精神仙堂肆考

杜衍字世昌山陰人既罷相才百二十日以尙書左丞出知兗州慶曆七
年衍七十乞致仕許之紹興府志

郭勸字仲褒性廉儉居無長物嘗稱顏魯公語生得五品服蔭子爲齊郎
足矣及再爲侍從語諸子曰自起諸生今年七十可以歸矣章三上不
得謝賜銀使市田宅後三年卒弘簡錄

包拯仁宗朝爲御史中丞拯言東宮虛位爲天下憂帝曰卿欲誰立拯曰臣非才脩位所以乞建太子者爲宗廟萬世計耳臣年七十且無子非邀後福者帝喜曰徐當議之

綱鑑

李受瀏陽人神宗立進給事中龍圖直學士上言臣在先帝時年已七十不敢竊祿以自安今又加數年筋力憊矣惟陛下哀之拜刑部侍郎致仕卒八十贈尙書

萬姓統譜

張詠守蜀還朝時年已七十復掌三班初詠在郡日有錄曹叅軍衰老詠責之曰何故不歸明日叅軍求去別以詩曰秋光多似宦情薄山色不如歸興濃詠驚嘆曰僚幕能詩而我初不識可愧因慰而薦之真宗嘗手諭詠曰得卿在蜀朕無西顧之憂矣

編年考

程珣旣遷司農少卿南郊恩賜金紫以年及七十乞致仕人皆服公勇決郎自爲墓誌以戒子孫

伊川先生集

張鑄字希顏祥符中進士四歷郡守五任漕憲嘗帥南陽王介甫其門生也與姪昱並以光祿卿致仕同歸鄉縉紳榮之杜祁公贈詩曰七十引

年遵古禮君家何事最為榮清朝叔姪同辭祿歸去田園盡列卿

類文

邵康節無名公傳羲軒之書某嘗去手堯舜之言未嘗離口當中和天同樂

易友吟自在詩飲歡喜酒百年昇平不為不偶七十康強不為不壽

歐陽修永叔大雪詩清流閑前一尺雪鳥飛不度人行絕老農自言身七

十曾見此雪纔三四一尺雪幾尺泥上深麥苗春始肥老農爾豈知帝

力聽我歌此豐年詩

歐集

范純仁言王存可大用彭汝礪可任言責上曰王存何如人公曰忠厚正

直臣所信也今年已七十願早用之

范忠宣公遺事

洛陽耆英會太中大夫提舉崇福宮張問昌言年七十詩曰槐庭二老樂

堯仁盛集高年洛水濱華裘具瞻雖禮絕白頭序齒却情親清聞几席

同禪院山野巾裘似隱淪尊酒椒香繼過節池塘草色已催春白公酣

賜吟哦內衛武康強笑語頻豈獨丹青傳不朽潛欣風色欲還淳芝田

鶴戲調形健蓮葉龜浮納息勻商皓寂寥拘小引漢疏局蹙止家人莫

因氣貌疑丹竈自有光陰寄大椿復得兼謨為重客祠塢恍恐遺元爽

在編民神仙可學今方信道術相忘久益真滿座交歡祝眉壽群生五

福託鴻鈞癸辭

耆英會龍圖直學士通議大夫提舉崇福宮張燾景元年七十洛城今昔

衣冠盛魏國圖林景物全功在三朝尊二相數踰九老萃群賢當時鄉

社為高會此日居留許欸延多幸不才陪履為更慙七十是新年癸辭

元豐十老龍圖直學士張說樞言年七十歲癸辭

朱徽序曰惟內閣清

和公神宇軒拔德章昭融名威羌憂勲書册府

孔平仲題夏大初丈高居入門已可愛庭戶覆清陰更有池臺遂相連花

木深山川供隱几風月伴抽簪七十鬚渾黑知公但養心清江集

真率會 叔達年七十歲事文類聚

李公明東之治平四年夏得謝於朝以太子少保致仕天子以公明歷事

四朝清慎公方進退以禮不可與他官比特召入對賜之坐慰勞久之

又特置餞宴於資善堂惟講讀之官及記起居者凡七人得與焉比宴

終天子六遣使者存問勸侑加賜白金御茶給優俸又詔以梓宮在殯

不欲自爲詩凡與宴之官皆命賦詩以寵其行仍別錄一通以聞前世
告老而榮莫若二疏未聞有恩禮若今之盛者也光嘗侍坐從容問曰
近年雖七十而康寧若是獨不可爲天子少留耶公明日所貴於致仕
者及其身之無恙自樂於鄉黨耳必待不任朝謁輿疾而歸是不得已
豈止足之謂耶光欣然服其言益知賢者所存固非庸人所能及也
光送李公明序

光愚拙有素加之閑居十五年本欲更求一任散官守候七十致仕如禮

久絕榮進之心分當委順田里凡朝廷之事未嘗掛慮

司馬溫公與范堯夫書

司馬周卿累知駕部員外郎年甫七十骸力尙壯郎求致仕

溫公全集

鄭穆字宏中候官人元祐中以寶文閣待制兼祭酒神宗稱其德行年七

十力求去太學生數千請留范祖禹上言穆年雖七十精力尙強祭酒

居師資之位正宜處以老成願毋輕聽其去不報於是公卿大夫各爲

詩贈其行空學出祖汴東門之外觀者如堵

四朝國史

紹聖中安置元祐宰執范純仁於嶺南純仁聞命怡然就道或謂近名曰

七十之年兩目俱喪萬里之行豈其欲哉但區匕之愛君有懷不盡若
避好名之嫌則無爲善之路矣諸子每怨章惇則怒止之升次橘州舟

覆顧諸子曰此亦章惇所爲耶

宋史

王致字君一與楊適杜醇爲友俱以道義化鄉里諸後進稱爲卮江先生
王荆公敬禮甚殷死爲之墓志旦繫詩云處士生涯水一瓢行年七十
尙蕭條老妻稻下收遺業稚子松間拾墮樵雖有聲名高後世且無飭

粥求今朝窮窶散漫歸何處甬水東西不可招

卮縣志

韓維次韵和君實寄景仁

予年行七十惟日就志昏雖高鴻鵠舉尙困鷄

驚喧

南陽集

韓獻肅公絳兄弟天性友愛自忠獻公爲兩輔大臣至公兄弟同時爲宰
相近輔者三人公將歸許而兩弟時亦皆七十同時請老朝廷雖未之
許其爲榮盛前古未有也

山堂肆考

沈遼字睿達春日行官梅樸地白墮班細柳結烟金縷繁春華年匕來不
已人生七十半衰殘病目矇匕對荒山東風有意爲掩關棄置萬事一

夢還江湖水生愁夜寒雲巢詩

紹興壬午李延平先生年七十歲春朱文公迎謁先生於建安時子信甫為建安主簿遂與同歸延平年譜

紹興十一年正月尹和靖先生焞年七十曰吾無功而為從臣吾去而不能復辭以期月而老矣七十而老尚矣遂致仕進官左奉議郎而從其

請尹和靖先墓志

又焞辭免徽猷閣待制劄子云臣聞國之朝典故禮經

年七十皆當致仕今臣年齒已及加之衰病伏枕累月實難支持以臣義當去者五也尹和靖墓志又奉外祠貧不能歸即寓虎邱之西安時年七

十虎邱志

孫覲字仲益晉陵人由鎖闥歷吏部戶九章疏制誥世爭傳誦以忤執政隱居湖濱年已七十屬祠命句少壯不及也輿志

陳皓熙寧中遊太學十年不歸父已七十寄詩曰太學何蕃久不歸十年

甘旨誤庭闈休辭客路三千里須念人生七十稀膝下雖無蘓子印匣中尚有老萊衣歸期定約春前後免使高堂賦式微皓得詩南歸因而

去者十有三焉

山堂肆考

宗澤七十歲爲東京留守元木侵東京都人震恐僚屬入問計宗澤時對客圍棋笑曰何事張皇劉衍等在外必能禦敵衍用伏兵夾擊金人果敗澤知金虛實遂決大舉之計召諸將謂曰汝等有忠義心當協謀勦敵期還二聖以立大功言訖泣下諸將皆聽命曰若避而偷生何面目見宗公於是力戰大破金兵威聲日著敵聞其名曰宗爺編年考吳處裕性簡率發言多輕肆有金吾上將軍王彥昭告老得休致處裕嘗語人曰我縱僵仆殿下斷不學王彥昭七十便致仕人傳以爲笑體性僧各規年七十談論蕭散有詩曰讀書已覺眉稜重就枕方欣骨節和睡起不知天早晚西窗殘日已無多編年考陸放翁詩自驚七十猶強健采藥歸來見暮鴉又白髮蒼顏七十翁朽株枯木畧相同如山儲藥難醫拙齊斗堆金不換窮又蕭蕭雙白髮忽七十七年豈惟老態出已覺衰病纏白晝尙便靜況自清夜闌妙處殆難名睡與不睡間又感懷家世本無年甲子近一周小子獨何幸

七十今平頭厚恩許奉祠得祿歲愈憂三釜不及親顧爲妻子留何以
洗此愧欲挽天河流 又七十殘年百念枯桑榆原不補東隅但存隱
具金鷄嘴那夢朝衣玉鹿盧 又一杯濁酒卽醺然自笑閑愁七十年
今日出門天地別此身如在結繩前 鈔南集

陸放翁秦望山詩放翁七十飲千鍾耳目未廢頭未童向來楚漢何足道
直覺萬古無英雄行窮禹穴亦安在聊借曠快洗我心濤瀾屢犯蛟鰐
怒澗谷或與精靈逢黃金鑄盡決河塞俘獻頡利長安宮不如翠華掃
青嶂一寸毫釐驚天公 又贈應秀才老夫七十居鄉縣齷齪鍾何
足見辱君雪裡來叩門自說辛勤求識面我得茶山一轉語文章切忌
參苑句知君此外無他求有求寧踏三山路 鈔南詩鈔

周必大乞致仕表三千同臣心甫際興王之運七十致君事適臨告老之
年在聖時雖曰難逢顧經訓則當易退仰祈從欲俯遂乞身已愧歐陽

踰六旬而得謝尚希杜衍繼一請而獲從

西江志

周必大乾道庚寅泛舟過總持院七中老僧年七十及從徐師川遊龍

吾得爲萬真堂前客嘲吟有罪遭天厄歸謀未辦資身策雞林莫有遺
詩人明日煩公問蕃舶

石屏詩

方岳書藏式之詩卷石屏遊諸老間蚤得詩名諸老謂其獨石屏歸然余
生後二十二年繼此一識秋風別去因書數語七十行年戴石屏同時
諸老各凋零扁舟歸去自漁舍冷骨秋來更鶴形天地無情頭盡白江
山有分眼總青剡溪定有人乘興月下柴門不用扁

秋崖小草

史彌望字南叔好學強記累至司空郎中以兄子嵩之入相年已七十引
嫌句祀提舉崇禧觀里居絕口不談時事卒年八十五德秀嘗曰史南
叔不登宗衮之門者三年未仕則爲其寄理已仕則爲其排擯矧然不
朽如此

南波府志

劉燭字晦伯建陽人與弟炳同學於朱文公第進士調山陰簿慶元中僞
學禁興遂結雲庄山房於武夷爲淑身計累官至工部尚書年七十丐
閒章凡二十上

武夷山志

鄧孝臣湘陰人玉池先生弟也杜門力學宣和間詔舉遺賢

不應年

七十猶手不釋卷以行誼聞於世 長沙府志

張翰字雲卿號坎翁高顯余復晉其高弟也乾道間進士居官蒞民所至有聲年七十致仕歸著有觀過錄萬姓統譜

辛幼安題賀洪內翰七十詞金閨老屋壽正如川七十且華筵樂天詩句香山社杜陵酒債曲江邊更十歲太公方出將又十載武公方入相智盛事看明年直須腰下添金印莫教頭上欠貂蟬向人間長富貴地行仙事文類聚

和尚智嚴年七十忽患偏風口眼喎斜時七吐涎臣與稀菴九十服即痊 張詠進菴菴丸表

袁鎮奉化人父年七十病羸叟醫禱弗驗乃割股和藥以進父病垂絕復存十五年 寧波府志

林英年七十致仕起爲大理卿氣貌不衰如四五十歲人或問何術致此

英曰但生平不會煩惱明日無飯吃亦不憂事至即遣之釋然不智中治獄多所全活若有所見者豈其陰相乎 談圃

劉辰翁送李鶴田入浙浮沉親故懶相問白髮惟有春風知李侯髀肉堪
流涕公子翩跹雁書至飄飄起望白雲間裴雪平車度赤山年餘七十
能幾見我且欲往窮當還平生高李經行處寂寞斷橋漂落絮當空殿
閣密雲曾和薰絃接羽翰至今尙留花石否杜鵑再賦長恨端須溪集
蕭璣字正甫歷開遠定武二軍節度使致仕明昌四年復起之年七十強
健如昔天壽節宴與大臣握槩戲璣復勝焉金史

任熊祥字子仁累官至太子少師時窩幹竊號上問孰可使者乃自請行

上憫其老生平事母以孝聞母歿年已七十不食三日人皆稱之金史

元世祖建大護國寺塑梵天佛求奇工得劉正奉於黃冠遂爲絕藝凡兩
都名刹一出正奉之手天下無與比由是上兩賜宮女爲之妻又命以
官長其屬今四十餘年行幸無不從嘗勅正奉非有旨不許擅爲人造
佛像其見貴異如此正奉名元字秉元寶坻人年七十矣其官曰昭文
館大學士正奉大夫秘書監卿虞集劉正奉塑記

范梈贈安西王提舉詩二十學壯游五十綴朝聯奉常老掌故今已二十

年功業晚何就蕭也髮垂肩天子念逢掖錫官頗靜便紫衣緡黑綬白馬錦連錢舉案招青山孟光老猶賢大兒坐車軒小兒調馬鞭中兒又絕好綺語荷珠圓旦夕俟君至買田清渭壩此皆足慰意日食官俸錢俸錢足養親也自有圭田德机集

范曄贈熊天瑞先輩熊君南州山澤癯敝衣不滿六尺軀年丁七十氣尚撥棄舟楫違江湖塵埃掠面冰生鬚北走梁宋至皇都長歌鼓缶聲鳴鳴青天日高雲自孤西江志

尚文字周卿年七十告歸仁宗六年拜太子詹事使三往乃起見上嘉禧殿上顧太保曲書曰此自世祖時効力潔淨人也元史

王鶚字百一至元五年乞致仕詔有司歲給廩祿大事則遣使就問卒年八十四鶚嘗謂世俗以疾革之言爲遺命嘗思昏亂其言非復可從故吾自七十以來手書戒訓歲一更之預爲治命云元史

姚燧改大司農江東道廉訪使仁宗居藩邸開宮師府燧年已七十遣正字呂洙如漢徵四皓故事起爲太子賓客尋拜太子少傅逾年告歸

劉賡字熙載仁宗皇慶中除集賢大學士賡官一品年七十而父慤無恙
賡躬奉飲食候寒暄晨昏不懈仁宗聞之曰此我國家人瑞也刻玉爲
鳩杖賜之生日遣大臣賜宴其家慤再拜稱老臣以受賡鬚眉皓然親
爲扶掖都人相與詠歌稱盛事虞集神道碑

劉壘字水邨南豐人進士里謀祐各以詩文鳴年三十七而宋亡越十八
年而當道交薦署交州學正年七十受朝命爲延平教授既滿諸生復
智受業者三年乃歸卒年八十著述甚多水雲邨集

劉駟題幼安濯足圖世事悠七七十翁乾坤故物兩足在霜海浮雲空復
空無刀可斷華太尉有死不爲丕大中丹青白帽涼冰雪高山目美
送飛鴻靜修丁亥集

成廷珪字原常題婁仲英山居圖七十老翁居竹間老去胡爲在城市君
如有意肯相過貌得滄江弄清泚又題周伯溫爲蘓老人篆七古
來稀有卷後天上詞臣小篆書方今端合比瓊琚肯將南極仙人壽題
向東窻隱者居玉屑露凝金錯落錦茵春暖繡芙蓉又寄崔宗文白

髮無家七十翁一枝竹節尚西東不因避地來吳下正愛看山入剡中
臺閣故人書信少江湖狂客酒船空老懷無限平生意清話何時一夜
同居竹軒集

劉詵字桂翁中秋和學翁兄七十老兄生理浮未寒先試木綿裘管絃四
海華筵月鐘鼓半山僧寺秋醉裡一樽歌浩七老懷萬事嘆休七故人
相棄誰來往惟有殷勤白髮留桂陵集

劉詵乙亥智故鄉自壽七十古稀今已迫回頭一一記兒時三生我豈後
商隱舊常夢與李商隱
謂余乃其後身四海今無半子期蓋雖有情耶暢適文章無用

止娛嬉傍人莫比耆英輩但好商山學採芝同上

王磐壽王秋澗學士七十蚤歲聲華便軼群學優不輟向來勤兩宮垂顧
逢千載三世讀書羣一門蘭省栢臺留說論玉堂金馬煥雄文平頭七
十無多賀曾見諸孫子又孫鹿庵集

陳孚字剛中范增墓七十衰翁兩髮霜西來一笑火咸陽平生奇計無他
事只勸鴻門殺漢王剛中觀光集

平承旨野莊殊勲清節紀以八詩不負朝廷七十年樓臺無地楊蕭狀
清名當與溫公並只欠河南二頃田剛中王堂稿

同字萬里追和元日唱酬歌七十翁非浪走時夜窻自恨賦歸遲睡稀
枕上無春夢吟苦樓前有月知茅索顧隨田峻喜瓜蘚遙念室人悲却
須天上綸言手小爲農昨緩繭絲桐江集

揭傒斯字曼碩以年七十致仕去遣使追及於潮南召遣撰明宗神御殿
碑文成賜楮幣萬緡白金五十兩中宮所賜白金數亦如之黃文獻公集

白挺字廷玉元相伯顏檄爲淮南鹽場大使自以鹽筴非所諳習不俟終
更卽謝事養病海陵遠近學徒擔簦相從者殆無虛日先生年已七十
不復有宦情日與韻朋勝友曳杖游行啣杯賦詩惟恐日之易夕宋
郭文卿上奉七十之親以孝聞其厚如百川東注不進不止才猷且將大
用教子弟奕奕有詩禮風是皆足喜者鄧文原送郭文卿序

范益精於醫脉元至元間爲大都衣冠年七十矣有老姬詣門曰家有二
女病欲延公公令之來診之噩然曰何以俱非人脉謂姬曰爾無隱當

實告曰妾西山老狐也知公神術來授今已露幸憐之公曰濟物吾心也然禁城中帝王所在百神呵護爾何得至此姬曰真天子自在濠州城隍社令皆移守於彼益異其言授以藥拜謝而去是時太祖龍潛淮右云

庚巳編

聞人夢吉父詵嘗遊王魯齋之門夢吉受學家庭深究義理閉戶十年悉

通奧旨學者爭趨之年七十人稱癡先生

浙江通志

洪武五年行鄉飲禮崑山周壽誼一百十歲吳縣楊茂九十有三林文友九十有三老人皆形充神完行坐有禮知府魏觀年且七十而朱顏煥如獨出人表升降揖拜竟日不倦而其子槃進趨中度禮明樂和一

時艷羨王彞鄉飲銘記

宋訥字仲敏滑人父壽鄉仕元封魏國公訥少承家教矩矱自檢七十歲太祖徵詣公車除國子助教橫經發難學者歸向常侍上爲詩文渾健

古雅同游共推尋遷祭酒壽八十

編年考

周敏長洲人儒士與同列九人備顧問太祖目之曰是小生何家對曰蘓

州有父母乎對曰臣父母年皆七十太祖命查蘓州缺出命爲長洲教諭以優父養

蘓州府志

智稀固青田人讀書善言洪武初召入對甚切時宜上嘉之曰全質老人智稀固仍賜改名稀古以人生七十古來稀也欲官之辭老錫宴賜歸

處州府志

龔鏐字子諫南昌人洪武以給事授雲南僉事釋死罪未決者五十人年七十致仕歷任四十餘年家食時用固無尺寸增益

西江志

鄭深道字文玄龍溪人洪武領鄉薦永樂朝司經局仁宗在邸屢承諭問及即位召見賜膳賜勅褒嘉陞梁府紀善正言說論匡濟弘多年七十求致仕徜徉雲水飄然自適年八十二卒

嘉興府志

毛仲問弟仲槐兄弟篤於行誼在堂之親年垂七十左右無違養於取友謹以誠處已恩以恭是必聞君子之道矣

練子寧書笑軒記

朱守仁字存道初仕元洪武初改除中書歷官四川左布政廉潔見知驛太僕鄉年七十乞歸賜白金寶鈔仍官其一子錦衣衛鎮撫世襲

徐州志

吾暉字景端號永樂開封人方正端嚴教諭江浦乞歸講學弟子千餘人
多成名士與章懋堂尤契厚年七十卒懋表曰君之所詣茂叔伯淳
人之所惜何蕃劉蕡衢州府志

管時敏洪武中楚府長史四十年忠誠謹恪始終如一年七十致仕王再

智居本府祿養終身仍賜黃屯山地著有蜩螗集秋香百味詩繭

劉三吾贈謝明遠還鄉鶴書遠過謝池塘早歲曾題翰墨場討論直上黃

金殿制作還居白玉堂鄉里故人如見問爲年七十髮如霜詩

黃忠宣公名福字如錫昌邑人鄉進士洪武中上書論大計擢工部侍郎

永樂三年改北京刑部尙書征交趾兵民感悅夷蠻忻附凡十九年時

公年七十矣獻陵郎位召還曰卿老成人久勞於外朕亟欲見及還交

趾人扶携走送號泣不忍別裕陵郎位加少保叅贊机務正統五年卒

歷事六朝贈太保編年考

陳輝字伯燁永樂進士官御史出爲廣東副使冰蘖之操老而愈厲年七

十致仕有集十二卷列朝小傳

王英字時彥永樂進士太宗仁宗實錄成賜麒麟帶宣宗實錄復為總纂
進侍御郎年七十再乞休不許擢南京禮部尚書俾就閒居二年卒年
七十五諡文忠

明史稿

楊孟凱字廷相崇陽人事母孝母卒廬墓三載塚生芝草年已七旬矣曾
知簡縣立社學刻家禮饑賑貧乏民賴以安謝任歸囊無餘貨

湖廣通志

蔣暉字廷暉自幼好學博涉子史精楷法知者薦入翰林累至禮部郎中
年滿七十堅乞致仕歸壽八十八卒

萬姓統譜

魏希哲字原明蕭山人年七十精神不衰以歷練老成應薦永樂間知上
高明以燭奸廉以持己子驥吏部尚書

明一統志

番陽周公伯溫高風峻節博學工文太學月試季考恒出諸生上以蔭受

南海簿累陞至中丞而年已七十矣以榮祿大夫致仕

明懷慶周堅先生傳後

陳公琰字易卿新塗人皇祐初知醴陵縣朝廷變鹽法吏緣為奸上疏蠲

除之八遷至諫議大夫七十致仕

人物志

賈承芳永樂間由太學生授監察御史直言觸忌下獄赦出復以言事謫

龍江左衛吏郎日就吏列尋復其官屢挫益奮後謫工部役滿勅還職
陞浙江僉事年七十致仕歸囊蕭然一僕負之而已

萬姓統譜

滕用亨初名權字用衡永樂三年年七十矣召見試篆書作龍鳳龜麟四

大字又獻禎符三詩稱旨授翰林待詔預永樂大典

延林堂漫錄

夏時字以正天性孝友親喪廬墓三年不御酒肉晝夜悲泣有羣鳥巢于
墓木癸酉李時勉爲著傳累廣西左布政上疏皆時務緊切時論韙之
年七十致仕

西江志

夏太卿吳人七十歲致仕家居爲吳中一時人士所宗其子鉞奉之甚謹

太卿好與賓客游樂未嘗一日不具酒食或無客至則鉞令人遍召賓

客集城外別業而以肩輿舁太卿至其處盡歡方歸其別業有林木花

竹之勝太卿晚歲優游凡二十餘年卒年九十二

編年考

沈粲與兄度同事太宗朝秘閣中書舍人于時誥勅詔學士以下班書之

獨粲兄弟書上視之加喜焉時度爲學士粲侍讀八咸以大小學士稱

焉宣帝卽位七十歲謁兄子禮部員外藻曰古二疏何人也遂偕致仕

盡出所賜金營錫老堂於故址曰聚親故燕飲其中自號簡菴編年考

胡琴繼母徐氏嫉琴上孝事之母病禱以身代越時母愈聞而感動母嘗

晝卧雖盛暑必衣冠揮蠅蚊不敢輟也及母九十琴已七十矣定省益

勤事聞旌其門曰七十而慕

安慶府志

楊文敏公贈錢塘蔣廷驥詩云薊門三月春晝長有客翻然思故鄉爲言

衰邁已七袞乞身幸已辭明光憶昔年華正盛強工書添得臨池興遠

師羲獻爭清妍近法歐虞擅邁勁龍飛九五永樂初姓名早已登賢書

廷官雖列鳳池上載筆每向詞林趨

西湖志

沈仕嘉靖中客京師諸貴人聞其名爭造請待以上客贈遺累千金隨手

散去年七十返故廬家徒四壁資繪畫以自給意不當者雖重資不爲

動人獲片紙珍若拱璧

西湖志

龔弘字元之成化進士出知兗州奏免額糧稅米萬石所轄州縣貪吏聞

風解綬入覲以卓異賜宴錫服以老乞休構三隱堂居焉起復進工部

尙書馳驛致仕嘉靖初弘年七十遣使存問加一品服

蘇州府志

李太亨足下雖七十猶未至髦老困乏久而乃通晚景功名政恐尚有于
進千里之寄者惟遲之幸甚薛敬軒集

陳獻章來張梧州書議莊定山出處熊御史薦剡所及詩曰買舟南嶽去
尋醫七十今年病不支傾蓋獨憐熊御史肺肝今徹野人知 又詩陳
靜軒七十詩甲子如何得翁全無白髮有青瞳赤泥更是遊仙枕兒
卧西頭弟卧東 自沙子集

何如龍號芝岳老人七十自壽詩五湖遺老乞閒身黃耆緋衣綠野民十
載前頭周甲子半生回首賀君親人將祖帳賢疏傳或以辭榮羨季真
不道懸車無異意明農自古屬髦臣 龍眠風雅

方大階字景玄愁吟詩三萬六千日百年七十春嗟七吾老矣欲傍是何
人天上看明月人間對落花相憐只一影那可更無家 龍眠風雅

韓玉字廷瑞棄官歸稱寄傲子嘉靖二年七月空同會先生於酒筵見其
篇文富贍而慚巖驚曰寄傲今七十歲矣乃爲此大文耶時李知府在
坐曰寄傲尙作蠅頭楷字與人札卽片紙吾未見其一畫苟也空同子

喜曰壽徵壽徵崆峒集

劉復芳字未洙號白林與兄廷尉公璵篋唱和人比之蘇所著次醉齋
稿不下二千首以兵燹僅存什一年七十隱居大龍山鄉里德之北歿
有感激泣下者龍眠風雅

李東陽賀陸靖逸諭德得孫詩同年健者傳與陳有孫不逮高堂親我親
尙健予尙少四十如君今幾人白頭封君年七十如麟振七螽蟄七會
看天史得曾孫重見高門車馬集湯賓尹睡菴集

張芹字文林弘治進士福州推官有聲擢御史劉瑾誅獨劾李東陽後官
至布政欽抑如諸生出入徒步年七十始乘肩輿所著有脩遺錄歎齋

奏議萬姓統譜

新建相國張公歸田之六年而稱七十也門下士謁余言爲觴自公起家
至爲政予侍之良久湯尹賓睡菴集

鄭金吾崇年順昌人二人幼相友善鬻販爲生人推其誠合貲僅百偶被
盜去鄭曰金吾吾舍知者謂盜不知者謂吾匿也遂稱貸償之是歲厚

獲利鄭販塩水口倍其價不以呂之不知而私凡所積貯一鎰二匙出入各不相問置家人產業盡屬鄭呂無疑貳呂遭回祿鄭營室甚壯與呂異之年七十宴親朋分前貲餘百金買義田以賑貧乏縣區之曰義重營鮑延平府志

少保商先生七十壽詩白頭歸老荷君恩一代勲名衆所尊自古年華稀七袞本朝科甲重三元海中仙子長生錄洛下先生獨樂園惟見台光映東壁郎君又侍紫薇垣懷麓堂集

老舅氏劉公自甘泉奉將請老歸京師越五年弘治癸丑壽七十渥顏華髮如初歸日而若又過之懷麓堂集

方雲槐字慕庭六歲父卒事節母余氏至孝卜塋祖父負土成墳依七孺慕七十年如一日晚賓於鄉邑令周恪表曰節孝之門孫逢年至太學士人以爲至孝之報云通志

松露川太保七十壽詩并州西隔太行山百尺丹崖豈易攀却望故鄉還憶舊恨爲仙馭不同班風雲運合逢天上山斗名應滿世間細數百年

從七十漫將靈藥駐紅顏懷麓堂集

章世純字大力臨川人天啟辛酉舉人著有己未留書授孔目出爲柳州

知府時年已七十矣聞京師變悲憤發疾卒人物志

史可傳字宗哲萬曆己未選貢任遂昌知縣清慎精勤拮据案牘條畫便

宜修先塋建家廟課子弟年既七十與人尺牘必楷三爵益慕父芬祖

全皆以明經爲縣論世者以爲有萬石君風云徐州志

十同年圖工部尙書曾鑑年七十樵書

王陽明恩壽夔慶詩序正德丙寅丹徒沙隱王公壽七十配嚴孺人六十

有九其年天子以朕子貴封公監察御史配爲孺人在朝之碩彥咸爲

歌詩侈上之德以祝公壽陽明集

太子少保閔公朝瑛壽七十同年進士之在朝者各賦詩一章謂東陽宜

序首簡自分曹賦職以來朝署無私語道途不並驅惟慶賀則有會七

未有以壽章卽有之亦未有聯章彙帙如今日之盛者西涯集

海瑞號剛峯以鄉舉爲教諭起家稟性忠直廉介歷官巡撫應天在署迎

養其母日進箸肉而身自藿食晏然南垣受他指論罷去之日家人視

褐肘見一二行囊數篋耳年七十神皇帝特召爲南臺旋擢少宰御史

大夫中外延頸望風采瑞蹇衣破帶蕭然公署中若老寒賸而已編年

徐溥字時用學者稱謨齋先生事親孝謹居喪甫廬墓側有白鳩白雁之

異後累官至華蓋殿大學士修大明會典充總裁會年七十以疾在告

辭歸不許命醫診視遣中使賜羊酒楮幣仍令風雨大寒暑免朝西涯

又溥含清樓詩序吾年已七十上章求退不許明年日疾三章懇切

上乃許及抵家吾子元相先意承志樓已成暇登覽因取謝靈運山水

含清輝之句題其匾爰賦長句以識其事云謙齋文餘

周經字伯常累官至禮部尙書謚文端李西涯銘其墓云一品雖榮公不

爲華七十誠稀公不爲遐胡進之難而退斯易不朽者非世祿西涯集

吳相字汝弼慶元人節母邱氏遺腹而生甫長克盡子道事母竭力母故

相年七十躬詰司府陳其事當道覈實以聞詔旌其門處州府志

楊守陟字繼立守陳弟舉成化乙酉鄉試第一試禮部第四廷試一甲第

二授編修累至吏部左侍郎年七十乞骸骨進尚書致仕卒贈太子太保先是里中花木有連理瓊瓣者鄉人竊異之既而與守陳皆發解皆廷試高等皆官翰林又對掌兩京翰林院人以爲奇兆云

寧波府志

嚴敕字無敕幼失怙恃師事兩兄隨仲元游太學士咸敬畏焉一時有三嚴之號年七十諸子賓客上壽獨憶兩兄先逝合繪三逸圖以志思慕

通志

王道溥與其弟達幼孤母壽近期願兩人行年七十孺慕不衰常於北堂

前引諸孫擲梨栗爲樂以娛其親家不析箸已三世鄉閭皆稱孝義嚴

李時勉年七十時被謔口傳聞擅伐國學宮樹上命枷示監前有國子生

石大用上疏請罪願代勉枷以全師上恩義上嘉其誼并釋之

皇明紀畧

訪唐濬師彈琴處湮沒有鎮南沙門與之語言師別傳年七十游南海三

十年前種樹千百樹上蔭此山矣

明陳文燭遊義山集

謝中丞子京兆君年七十赶走膝下有若稚子凡謝公起居俯仰皆京兆君扶之袁宏道贈以詩云碧瞳紅頰照霜明尙父前頭倚杖行七十老

翁猶膝下爲人爭不羨爲兄 編年考

申少師時行字汝默年七十福清葉少師爲文稱壽以爲天之幸人恻憫
盛希夔字太音讀書嗜古誠樸無僞生平衣履不華飾事親備色養而出
以純篤父年七十病肺晝夜侍湯藥衣不解帶者期月居喪哀毀踰節
鷄骨支離父有厚積兄弟爭取之希夔一置不問 安慶府志

隆范太僕七十壽序不佞以職事至雲間得數奉苞中方先生顏色先

生不以基不佞時七投以璵華之篇又引之邀手嘯園觴咏以爲樂也
今已卯嘉平爲先生七十生辰諸文學謂不佞知先生以叙辱焉 集奉

許登明字華谷爲人謹飾父母歿時登明年七十矣猶孺慕如初嘗舉司

馬溫公省浮費戒奢華存贏餘以補不足之語戒子孫後五子皆貴歷

封通議大夫 揚州府志

錢德洪逮繫放歸拜父膝下承歡良久父憂就廬間述文成年譜隆慶初

臺省交薦議召用時年已七十矣詔復原職進陞朝列大夫又九年卒
人稱緒山先生 蘇州府志

劉文相字廷弼年七十悅母如嬰兒態有老萊子之風焉衡州府志

王朝聘字修侯一字逸生性篤孝友授徒衡山會母遺痰疾薄暮馳歸抵

家母一顧而終捧母咯痰孟哭三日不絕聲每親忌終日孺子泣至年

七十不少衰衡州府志

朱辰以邑庠應貢飄然高蹈篤於孝友行年七十而精神如少壯時衡州府志

王鳳字朝陽實應人少孤事母至孝母嘗病頭瘡鳳朝夕手拭膿穢侍奉

湯藥竟不起鳳時年七十哀毀骨立既葬廬墓有盜入其廬見鳳戚容

曰勿驚孝子以所盜他物遺之墓上忽生松篁數株日就叢茂人以爲

孝感所致後仕山東平度州同知有廉聲揚州府志

馬溪田未赴會試安南使問主事黃清曰閩中馬理先生何未登仕籍其

名重外夷若是甲戌赴春宮公卿以下咸欲識面四方學者聚觀之及

年七十歸隱於商山書院問道者遠近踵集公山中野服鶴髮童顏而

即之皆德容令色亦飄然仙風道骨如是者又十年而始告終琬琰錄

甲用嘉字美中時行次子萬曆壬午舉人累至分巡貴州積勞成疾請於

臺使者非疏即行朝議以擅離地方奪官喜曰七十致仕禮也適吾願矣蘇州府志

董期生字伯音十九父喪強學工文士林推爲祭酒崇禎癸酉舉於鄉肆力善學種七溯源窮奧靡不貫串蓋由諸生躋仕宦家居旅寓朝夕以誦至七十如始學時著述數十種紹興府志

宮景隆字美中泰州人父永建七旬失明百治罔効晝夜泣禱者十年一旦倏明炯如故人稱其純孝楊州府志

晚香林顧林仲禮天叙所構記畧云今齒登七十兒錫疇予告侍養歸以茲石爲余所鍾意鼓興排垣於是山川之綺錯花木之滋茂與夫廬舍之麟差丹楫之翔舞皆近在履舄下石乃不虛生矣湖州府志

張映奎字襲明郡庠生以孝弟聞議產於兄且獨任養事凡親食必中其嗜與其妻親調而進之典衣變產以奉甘旨終二人之世無怠容讀書四十餘載冬不爐夏不扇年七十猶心玩手註弗輟也著書甚多安慶府志于定國字曼倩宣帝立超遷廷尉朝廷稱之曰張釋之爲廷尉天下無冤

民于定國為廷尉民自以不冤乞骸骨上賜安車駟馬黃金六十斤就第數歲年七十卒謚安侯

淮安府志

張楷字公超性任道簡能作五里霧年七十終於家時裴優亦能作三里霧

以爲不如從學之後漢書

文漸資縣人年七十持母喪負土成墳廬於墓側哀毀疾甚有

白鳥白雀棲墓木回翔悲鳴若助哀者鄉人有父母自娶妻後與父離

居視漸孝行深自悔責號痛而歸孝養備至觀感而化者甚衆

後漢書

華陽國志作支漸廬墓白蛇素狸擾其旁皓鳥鵲雀集於隴

穎川韓元長漢末名士身處鄉佐七十而終兄弟同居至於沒齒

淵明與子跪

韓韶字仲黃為羸長賊聞其賢相戒不入羸境卒年七十同郡陳實杜密

荀淑等為立碑頌焉

後漢書

李嶠字巨山文章宿老一時學者取法焉年七十卒

新唐詩

李邕字泰和早有名既入朝人傳其眉目瓌異至阡陌聚觀後生望風內

謁門巷填溢中人臨問索所為文章以柳勣事死年七十

新唐詩

婁師德字宗仁爲將相者三十年恭儉樸誠心無適莫卒年七十謚曰文師德臨終數日寢興不安無故驚曰拊我背者誰侍者曰無所見乃獨言若有所爭者曰我壽當八十今追我何也復自言爲官誤殺二人減十年詞氣若有屈服俄而氣絕以婁公之明恕尙不免濫爲政者可不慎歟大唐新語

杜兼字處中正倫五世孫伯父存介爲賊所執兼呼號願爲奴以贖遂皆免兼卒年七十聚書至萬卷署其末以墜鬻爲不孝戒子孫云唐書

陽城字亢宗卒年七十贈散騎常侍賜其家錢二十萬官護喪歸葬唐書馮宿字拱之正元中陸贄主試宿第一號龍虎榜卒年七十贈尙書謚曰懿唐書

杜黃裳字遵素同中書門下平章事封邠國公卒年七十贈司徒謚宣獻

黃裳達權變有王佐大畧性雅澹未嘗忤物唐書

宗澤卒年七十都人號痛贈觀文殿學士謚忠簡綱鑑

袁仁字良貴隱於醫崑山魏校疾召仁使者三至謝曰君以心疾召當咀

仁壽禮樂以賜君之精神不然雖十至勿往也卒之日沐浴而逝

筆題詩有附登乾坤七十年飄然今喜謝塵緣之句投筆而逝

許月卿字太空婺源人入稱山屋先生父大寧嘗教日段秀實為學宋池

頗舉卿面折祿山簡册有光惟汝英烈追配古人此高宗於李若水詞

也小乎誠之後月卿登第攻擊權貴數上書斥丁賈宋亡三年不言雖

言亦姓病狂卒年七十謝登山舊書其門曰要看今日謝枋得便是當

年許月卿先天集

龐迪字仲山終陽節度使年七十迪性純孝父病醫藥無效仰天泣禱

刺股作羹父獲以安兄弟析家財盡以與之一無所取官祿之蔭率先

諸姪疾革沐浴朝服而逝

金史

王逢字元吉元至正中作河清頌臺臣薦之稱疾辭年七十自製壙銘是

歲卒

列朝小傳

張以寧字志道家袁屏山因號翠屏山人至正初官祭酒國初例徙南京

復為待詔學士使安南凡三往年七十卒

列朝小傳

七十七歲

二十九

湯和字鼎臣鳳陽人封信國公暮年多疾遣歸上眷念之每歲一召賜以安車入殿廷相對語舊勞撫摩感泣賜緡鈔預爲寶壙之資卒年七十追封東甌王謚襄武列朝小傳

朱存理字性甫號野航對門一老儒也在狹扁王錡家教書晚酌罷主人入內適月上野航得句云萬事不如杯在手一年幾見月當頭喜極發狂大叫叩扉呼主人出擊節賞之取酒更酌興盡而罷明日遍請吳中詩者賞之卒於正德間年七十矣何元朗叢說

無心和尚蜀人萬曆間來朝普陀暫憩潛之永水庵年七十好笑如兒童狀居有頃逢人化薪一束積至一日擔自理之如陶穴一日辭山下人曰無心以某日去及期師入柴穴中居民畢集頂禮無心木魚聲不絕於是取火手自茶毘火光撲面將木魚向外擲下口稱去了須臾而化其骨不僵至今塔在小岑肖像如生焉安慶府志

李東陽字賓之卒年七十謚文正著有懷麓堂集百卷列朝小傳

張紳字材仲入太學治書有聲知泰潤衢三州皆以惠愛稱性純孝知衢
州日母年已九十九卒紳年七十矣執喪甚哀初得郊恩舍子昇姪廟志

葉南生號蒼眉幼失恃哀毀骨立如成人及長父病革刲股絕而復蘓已

知舉於鄉分校楚闢所得皆知名士解綬歸卒年七十通志

金宗周字歸儒一日謂弟子曰來月二日吾別去矣至期沐浴更衣端坐

朗吟云猿鶴當頭哭塵寰七十年白雲歸去好明月在中天吟畢即化

浙江通志

太初子姓趙名良本字立道闢一室以居盛暑不簷浴嚴寒不附火踰三

十年無懈意至老鬚髮不少白人望之以爲真神仙年七十一日坐床

曰明日良吾將歸矣顧稚子取筆牘書歛葬儀衣我楮衣屨我繩屨晨

興衣冠正坐啜一食歛手瞑目撼之則逝矣安慶府志

吳及字幾道靜海人年七十舉進士歷官右司諫以勁正稱廣西通志

陳天麟字天石富陽人生而穎異一目十行髫齡補弟子員試輒冠軍父

二曜以貢入京值流寇梗道南北音絕除日二弟酌酒相慶天麟曰父
暮年數千里外南北充斥言已淚潸潸下元旦即別家人北上歷齊魯
燕趙無所遇忽經一村落忽聞呼已名者已視之其父也遂留之
孝感所致父官嚴州學博致仕歸遂不就選進花翎補用主事

縣志

七十一歲

哀公十四年魯西狩獲麟孔子作春秋七十一歲

家語

乘陽慶有古黃帝扁鵲脉書五色診病知人生死及治療之論家富自給
不皆為人治病亦不傳子孫淳于意以父道事之甚謹慶年七十一遂
以諸方授之曰慎勿使我子孫知汝學吾法意曰謹受命意用其方遂

著名馬大千生鑑

南齊光祿大夫傅隆年七十一猶手自書籍躬加隱校

編年考

郭子儀七十一歲帝尊重子儀稱之大臣而不名其子曖尚昇平公主營

敗爭言曰汝倚乃父為天子耶我父薄天子不為公主悲奔車奏之子

儀因暖入待罪上曰鄙語有云不痴不聾不作家翁兒女子之言何足

論也子儀歸杖屨數十

編年考

白樂天遠哉樂天行吾今已年七十一眼昏髮白頭風眩 又年七十一

寫直於香山寺藏經堂有香山居士寫直詩

本集

又賀裴晉公詩十授丞相印五建大將旗四朝致勛華一身冠皐夔去年

才七十決赴懸車期公志不可奪君恩亦難希長慶集

王德用七十一歲三上疏乞休軋元節上壽預班廷中契丹使者曰黑王相公復起耶帝復起用樞密尋固求辭去編年考

李文正公昉罷相後只居京師以司空致仕至道元年七十一矣思白樂天洛中九老之會且交遊中有此數曰太子中允張好問年八十五太常少卿李運年八十故相吏部尚書宋琪廬州節度副使武允成皆年七十九吳僧贊寧年七十八鄆州刺史魏石年七十六諫議大夫楊徽之年七十五水部郎中朱昂與昉皆七十一欲繼其事爲宴集會蜀寇起而罷其中兩宰相乃着一僧唐世及元豐耆英所無也次年李公即世此事竟不成九老康寧相與宴嬉於昇平之世而雅懷不遂造物不然吝此耶容齋隨筆

呂公著夷簡子七十一歲以三公平章軍國事如父之職編年考

元豐五年文潞公以太尉督守西都時富韓公以司徒致仕潞公慕唐白樂天九老會乃集洛中公卿大夫德高者爲耆英會以洛中風俗尙齒

不同官就資聖院建六厦曰耆英堂命閩人鄭奐繪像堂中共十二人
時宣徽王拱辰留守北京貽書潞公願與其會年七十一司馬溫公年
未七十潞公素重其人用唐七老狄兼暮故事請入會溫公自以晚進
不敢班文富二公之後潞公不從令鄭奐自幕後傳溫公像又往北京
傳王公像於是預其會者凡十三人潞公以地主携鼓樂富公第一會
至富公會送羊酒殺饌餘皆次爲會洛陽多名園古刹有水竹林亭之
勝諸老鬚眉皓白衣冠甚備每宴集都人隨觀之潞公又爲同甲會司
馬郎中且程大中珣席司封汝言皆丙午也亦繪相於資聖院其後司
馬溫公與數公又爲真率會有約酒不過五行食不過五味唯菜無限
楚王議違約增飲食之數罰一會皆洛陽太平之盛事也洛之士庶又
生祠潞公於洛聖院溫公取神宗送公判河南詩隸於榜曰瞻瞻堂塑
公像其中冠劍偉然都人事之甚肅聞見錄

耆英會宣徽南院使檢校太尉判大名府王拱辰君貺年七十一詩曰西
都山水天下奇神嵩景室環清伊甫中間氣秀不絕生賢會聖昌明時

衣冠占數盛文雅台符卿月光離七魏京雄奧壓幽朔遊宮御府嚴天
威膏田千里翳桑柘犀甲萬旅馴熊羆公當緩帶名三鎮懸赤繼軫承
保將追惟契遇最深舊加復雍孟交旌麾仁皇一庄龍虎榜桂堂先後
攀高枝宦游出處五十載鸞臺驥路俱騰夷三公極位固遼隔五年以
長猶肩隨公今復主鳳門鑰僕亦再撫銅臺圻二京相望阻河廣三徑
不克陪遊嬉忽聞幹步踵門至授我十二耆英詩整冠肅貌諷章句若
坐寶肆羅珠璣爲言白傳有高躅九君結社真可師欲令千載著風迹
亟就僧館圖神姿詞宗端殿序篇目滂灑大筆何淋漓眷言履道靡充
訕菟裘近邑將營歸敢云繪素得精筆願列霜壁如唐規退居舊相國
元老十年還政漚之涯康寧富貴脩五福靈寶盛氣如虹霓昔年大對
繼晁董登科賜第同一井皆天聖八年紫垣步武既通接金沙里閤還隣比
探禪論道劇訓對摩軋太古窮天機二賢勲業冠朝省爵齒官學誰依
稀今將圖畫表來世詎可下客聯纓綬既蒙月品定人物不敢循避違
風期况承開閣厚賓客富有景物佳園池銅駝坊西福善宅修竹萬箇

光臺高未百尺下眺林嶺如屏帷花王千品畫殊勝風光綢
繡三春暉六相街中路公第碧瓦萬木煙參差左隅廟雪本經禮右閣
雲初轉星奎婆娑青鳳舞松栢煥爛素錦葦餘馨石渠飛譚激寒玉畫
夜竿瑟鳴階墀伊予漏宇治窮僻姑喜地廣爲環溪樓名多景可曠望
臺號風月延清輝四時花蘂不外假拏舟傲幘聊嬉怡懷歸撫事若饑
渴恨無羽翼西南飛人生交舊貴倫輩情親意接心相知豈無晚秀負
才烈高談大笑拘禮儀洛中故事名義燕二毛第一年相推濯冠登仕
荷天寵尊君報國當白爲旣嗟大耋益知止納祿謝事皆所宜顧方此
道倚煩劇未許解綬披荷衣長篇不令負花約船繼續順流爲指風什
歌式微如葵甘靈爽心骨似柄玉塵纒煩屑蘭蕖雖未長羅宅菊英似
亦思陶籬子山已著小園賦彥倫猶愧鐘山移聊據短引謝招引肯使
猿鶴當驚啼文彥博代簡上君貺宣猷勿愛大名各遂忘西洛樂銅
駝本自佳金鳳亦不惡二月三月春融七千花萬花紅灼灼公乎早歸
來莫負花前約同賞狀元紅對酒劉師閣

事文類聚

元豐十老崇大年靜之年七十一

雜辭

米黻序曰承議郎崇君素行縈

修里開標準早解簪綬仕路式瞻

石介與屈諫議書大人七十有一歲矣而以五代未塋卜後年辛巳吉凡
衣衾棺槨之具待祿而後辦未能遂歸林泉以取休佚且大人老矣介
當晨昏定省日親上食謹視寒煖之節

徂徠文集

滕元發治邊凜然威行西北號稱名將而宦官誣公病不仕職詔徙許州

御史論公守邊奇偉之狀且言其不病詔復留河東而公已老蓋年七

十有一矣即力求淮南乃以龍圖閣學士知揚州未至而薨

東坡集

司馬光和范景仁七十一偶成詩心地長閒爲已物年華不住是天時當

如海上乘槎客維楫都無任所之

溫公全集

楊時七十一歲著本朝綱目

編年考

李謙字受益轉侍讀學士帝嘗賜坐便殿飲群臣酒曰聞卿不飲能爲朕
強之乎賜葡萄酒一卮曰此酒極易醉人恐汝不勝即令三近侍扶之
出年七十一乞致仕仁宗即位召行在疏九事帝嘉納

續弘簡錄

宣字廷重正統進士歷知府有治績累官南京刑部尚書賦性仁厚每
對倫七恐入八舉年七十一致仕萬姓統譜

但得孫氏能至詩曰七十一年雲水中半江老隱舊知名一杯飲
酒為君喜伯倚今朝又作翁自沙子集

宣字廷重正統進士與秦檜有舊公退然知未相識者累至吏戶禮三
部侍郎休七章自謂七宜休連上章告老不得謝及年七十一請愈

力乃得以龍圖直學士致仕朱子全集
宋宣胡太守詩矧今行年七十有一耳目昏瞶愈甚於前時筋力衰憊

益加於舊日豈容復有可出之理西江志

邱濬字仲深瓊山縣人登景泰甲戌進士歷官祭酒加禮部侍郎謂西山
夷氏大學衍義有資治道而於治國平天下之事缺焉作大學衍義補
七十一歲孝宗嗣位書過成乃表上之上覽之甚嘉賜惠甚厚陞禮部
尚書且命錄其副付書坊刊行弘治四年入內閣加少保終於官贈太
傅謚文莊編年考

張鳳翼字伯起母年九十餘卒翼年七十一先是鬚髮黧然至是一夕而

白少受易於丁少恭已從杜少恭遊每過其門雖暮夜而下車韓志

先文正公手書伯夷頌自李總管戡歸吾范氏迄今三百年而復得王大

理有貞不索質歸而歸之誠是義事當吾世而為不肖子孫所質且久

而不知其事何能無罪自識數語卷尾以歸堂守者俾後世子孫寶藏

焉萬曆庚辰十六世孫大僕卿致仕惟一謹識時年七十有一公祿編

傅希年七十一任大司馬編年考

焦泌陽七十一歲始以待郎拜太宰編年考

劉向年七十一歲卒漢書

楊維年七十二天鳳五年卒侯芭為起墳喪之三年王邑嚴尤聞維死謂桓譚

曰子嘗論楊雄書豈能傳於後世乎譚曰必傳顧君與譚不及見也文

班超卒年七十一朝廷愍惜吊祭贈賻甚厚子雄嗣後漢書

皇甫規年七十一卒所著賦銘碑贊禱文吊章表教令書檄牋記凡二十

七篇後漢書

包咸字子良累遷大鴻臚每進見賜以几杖入屏不趨贊拜不名經傳有

疑輒令小黃門就舍即問病篤帝親輦駕臨視年七十一卒於官後漢書

陳紀字元方亦以至德稱閭門雍和後進之士皆推慕其風及遭黨錮發

憤著書曰陳子父憂哀至嘔血絕氣服除殆將滅性州府嘉其至行後

袁紹為大尉讓於紀紀不受拜大鴻臚年七十一卒於官後漢書

司馬防字建公宣王之父諸子雖冠成人不命進不敢進不命坐不敢坐

不指有所問不敢言父子之間肅如也年七十一卒魏志

劉鑒字道徽與王導卜肅等受遺詔咸和初祖約蕪峻反進鑒都督揚州

八郡軍事討平之年七十一薨贈大傳本傳

庾敳字稚春奕世儒素敦睦九族客居青州追號七世人號其家兒無常

父衣無常主父終居墓所三十餘載著述七萬餘言年七十一卒晉書

高士廉有疾帝即所舍問之貞觀二十一年疾甚帝幸其第為流涕卒年

七十一唐書

房玄齡字喬疾甚帝令鑿苑垣以便候問親握手與訣詔皇太子就省擢

子遺愛遺則官令及見之薨年七十一贈大尉謚文昭

唐書

曇恒道炳二法師俱集衆合掌念佛而化年七十一蓮社高賢傳

金剛智禪師卒年七十一五宗綱紀

喬琳天寶初赴舉在劉彥莊座見申屠生善鑒人言琳固非常人當處極

位不過百目且爲君之長吏宜善視之年過七十當主非命後喬爲刺

史彥莊爲令御史劾其事遇琳得免建中初進平章事在位八十七日

以疾罷后以朱泚事誅之年七十一前定錄

孔述虜官至史館修撰親朋宴集至嚴默終日人皆憚之以疾乞解以太

子賓客還歸賜帛五十疋衣一襲故事致仕不給公驛帝特命給焉卒

年七十一贈工部尚書

唐書隱逸傳

羅讓字景宣珣子也以文學早有譽進士宏辭賢良方正皆高第累遷至

福建觀察使兼御史中丞有仁惠名有以婢遺讓者問所從答曰女兄

九人皆爲官所買鴛者獨老母耳讓爲焚券召母歸之卒年七十一贈

禮部尚書

唐書

洛陽人始名友悌玄宗嘉其剛正更賜今名從封泰山封建安男帝待之甚厚圖形禁中親製贊以秘書監卒年七十一贈尚書諡曰懿

彭思永字季長以戶侍致仕年七十一金陵之人奔走供事往來哭於道路其得人心如此明道集

林大中字和叔進士烏程主簿朱熹與朝士書曰聞林和叔入臺無事不中的去國一節風儀凜然當於古人中求之後與趙汝愚朱熹等俱入僞籍年七十一卒諡政惠浙江通志

沈煥字天明錢塘人熙寧進士為開封推官以清慎聞超授右正言奉詔使遼不辱命遼使至復命煥館之周旋中禮遂寢西北之釁卒年七十一謚思肅河南程頤為之傳紹興府志

游酢字定夫伊川曰游君德器粹然同學亦進政事亦絕人遠甚於師門見稱有如此年七十一卒楊文靖公游察院墓誌

李侗字愿中人稱延平先生閩師汪公玉山以書禮車來迎蓋將講所疑焉先生同往見之至之日疾作遂卒於府治之館舍是年七十有一注

公爲遣叅議官王伯遂推官謝公傲護喪事躬視棺歛禮意喪具無不

周悉

朱子全集

朱光庭字伯晦知汧源發廩賑給多所全活歷汝壽二州築外郭以環居

民公私稱便年七十一

弘簡錄

高定子字瞻叔淳祐初召爲翰林學士知制誥一日草五制未更燭而成

理宗大喜拜端明殿學士起知潭州賜第平江仰家橋日以著述自娛

官至光祿大夫爵封臨功侯卒年七十一學者稱著齋先生

蘇州府志

朱熹年七十一卒

本傳

周廷瑞字應麟山陰人性至孝一日他出心動馳歸父正疾劇侍湯藥嘗

父穢鄉閭誦之母歿廬於墓有白兔之祥年七十一卒有司後先旌之

紹興府志

揭傒斯字漫碩幼讀書刻苦湖南帥趙淇素號知人曰君他日翰苑名流

也至正三年修宋遼金三史總裁卒年七十一謚文安

秋宜集

郭成年七十一喪母廬墓一年朝夕哭奠人咸哀之

續弘簡錄

後慎字用修年七十一卒於滇貴州府志

李邦華字孟闡一字懋明吉水人同邑鄒元標一見奇之邦華遂從講學萬曆中同父廷諫舉於鄉明年成進士甲申殉難誠家人無殮屍坐中堂顏如生越三日梓官出東華門始殮腰帶間有帛書贊曰堂七丈夫聖賢爲徒忠孝大節誓死靡渝遭國不造空負良謨臨危授命庶無愧吾年七十一

東林列傳

晉平公十一

東林區

聖祖為我忠孝大節誓與我輩同不致空負其難嗣後受命
於天必使三日執官出東華門故餞觀都問百帛書贊曰堂上父
子同父致贈舉飲酒即平氣壯士甲申成蟜始來人無餞最坐中
李弘華字孟開一字懋即告水人同昌順天縣一貝帝之孫華與
李弘華字孟開一字懋即告水人同昌順天縣一貝帝之孫華與

七十二歲

太公體仁行義七十有二乃設用於文武得信厥說封於齊七百歲不絕

答字明

李氏字元果胎明且眇胎明無目生而孤單年七十二無妻鰥居遂與

少婦壽氏野合而娠八十年而生老子索綬前涼錄

年七十二兄弟同居二十餘年及為宗老所分昱將妻子逃舊入虞

招野豆拾掇羸蚌以自賑給葛藟薦昱書

阜茂字子康宛中人性寬仁恭愛七十二歲光武即位詔為太傅封褒德

侯賜几杖衣一襲初茂為密縣令廉明仁恕吏民不忍欺諸郡邑苦蝗

獨不入密界及王莽居攝以病免歸至是奉詔編年考

許進五弟謚小名穆官至護軍長史散騎侍郎年七十二探世尋仙能通

靈降真雲笈七籤

魏舒七十一歲整法服朝會罷還奉送章綬外內莫有知者編年考

何胤家世年皆不求唯祖尚之年七十二徂至七十二歲乃移遷吳作別

山詩至吳居武丘山西寺講經論學僧衆復隨之東境守宰經途者莫不畢至以致烏馴獸伏誠感異類

蘇州府志

虞世南七十二歲同房玄齡杜如晦等十八人號學士圖像於館閣以爲

登瀛州

蘇州府志

白香山詩時年七十二行開第八秩可謂盡天年

長慶集

丁隱居字翰之名飛奉余南浮桐江復見綸巾布裘貌古而意澹好古文樂聞歌詩問其年曰七十二當咸通丙午今十四年雷平道士葛參寥言翰之至今齒髮不衰氣力益壯

陸龜蒙丁隱君詩序

馮京字當世江夏人少年及第三試皆第一以文章節操立名歷官樞密

七十二歲論王安石乞歸

編年考

慶歷吳興六老貝玦年七十二知幾之父

癸辛雜識

元豐十老朝議大夫致仕上柱國彭城縣開國子贈紫金魚袋徐思閑聖

徒年七十二米黻序曰彭城公道韻虛曠內德淳耀

蘇州府志

近見江南老八年七十二狀貌氣力如四十許人問其所得初無異術但

云平生習不飲湯水耳嘗人曰飲數升吾日減一合今但沾唇而已脾胃惡濕飲少胃強氣盛液行自然不濕雖冒暑遠行亦不飲水自可謂至言不煩

東坡與孫運司書

詹良臣遂安人宣和初年七十二以特奏召爲縉雲尉方臘起其黨犯處守貳俱遁良臣獨守城曰捕盜尉職也縱不勝敢愛死乎率弓兵出禦之被執誘使降良臣怒罵賊怒變其肉使自嚼且吐且罵至死不絕口賊平加金紫光祿大夫謚忠節官其子三人

通志

趙清獻公年未七十告老於朝不許請之不已元豐二年加太子少保致

仕年七十二矣退居於衢有溪石松竹之勝東南高士多從之遊

公集

王謹言字不疑與者英會年七十二詩云相印貂冠粲六符華顛高會侍

臣俱不將官職誇鄉里惟向年齡入畫圖履道情歡追故事竚瞻陰德

見許謨叨陪几杖真榮觀圭璧叢中間砥砢

太平廣記

謹言以司農

少卿致仕

咸平中有高士丁飛者字瀚之居龍泓洞中讀書年七十二矣猶能操縵

缶斤斲陟峻如飛

西湖志

劉肇七十二歲徽宗即位即日召還拜爵兩遣中使賜茶藥促入覲編年
陸放翁七十二歲吟七十人言自古稀我今過二未全衰讀書似走名場
日許國如騎戰馬時秋晚雁來空自感夜闌酒盡不勝悲渭濱星實逾
千載一表何日繼出師劔南詩鈔

老人十拘朱新仲鄞川志有郭功父老人十拘詩謂不記近事記遠事不
能近視能遠視哭無淚笑有淚夜不睡日睡不肯坐多好行不肯食軟
要食硬兒子不惜惜孫子大事不問問細碎事少飲酒多飲茶煖不出
寒即出丁巳歲余年七十二目視花昏耳中無時不作風雨聲因補一
聯云夜雨稀聞聞耳雨春花微見見空花是亦兩拘也嘗錄寄朱元晦
朱大以爲然遂貼兩句云自憐他日盲宰相今日痴盲作富家註老堂
元退處士年七十二口中無齒每磨裝胡餅疾齧如刀年少不及常言而
今方知齒爲妨物天中記

姚少師廣孝少出家妙智庵名道衍洪武八年詔通儒學僧禮部考中不

願仕仍賜僧服還山孝慈高后喪列國親王各奏乞名僧歸國修齋左
善世宗泐舉道衍三名太祖親選道衍往持慶壽叅太宗潛邸靖難師
起賓於幕下及即位曰道衍有功於國宜蓄髮加以官爵時年七十二
復原姓姚賜名廣孝資善大夫太子少傅以賑濟賜玉宸澤紀聞

張真子以誠靖難時以武臣子必授官從功授彭城衛指揮累至浙江都
指揮年七十二致仕卒年九十四墓錢塘北山之原魏驥張公墓志

張鳴呼予七十有二子靜逾八望九矣三影之韻度方湖之俠氣尙往來
於心不尙可徵乎陳謨張子靜樂府序

天台楊君子善請曰家公年已七十有二因幸康強素髮垂領而齒牙且
動握矣母之年如家公又益其二焉庭羸如不勝衣愛日之情怛怛怛
然頗聞申椒爲物性熟而味辛能益氣延年明目生津乃擇家園之沃
壤數畝而種之宗濂養親園記

楊文貞公士奇七十二歲以大學士與楊文敏榮楊文定溥英宗召入同

知經筵事在朝薦拔士類多踐清華時文敏爲東楊文貞爲西楊文定
爲南楊號稱三楊

編年考

陳獻章漫筆詩行年七十二七十一非漁樵真有分語默各因時此恨

四愁具方年百玉衰未行原屬我天命更由誰

本集

黃允恭字敬翁華亭人國初愚民相率爲盜家遭焚掠恭克厲以復先業
篤於信義能緩急人性至孝母吳氏見垂百歲恭年七十二矣爲老萊
子之行溫清定省未嘗敢廢正統元年以高年者德中書省行御史表
其門曰旌德年八十七終

編年考

王越字世昌景泰二年進士廷試日旋風掣其卷颺去逾年高麗貢使携
以上進占者曰此封侯萬里之徵也天順中起拜御史進太子太保兵
部尙書成化中以戰功封威寧伯弘治中公元七十有二復起總制寧
夏甘涼經略哈密以功加太保兼太子太傅卒於軍贈太傅謚襄敏有
鬢爲胡笳吹作雪心因烽火煉成丹之句人讀而悲之列朝小傳

天順十同年圖工部右侍郎張達年七十二

樵書

朱侔字廉夫嘉興人字學精篆鐫古文及漢唐隸法七十二篆金剛經
時人共珍重之浙江通志

馮恩字子仁華亭人嘉靖丙戌進士以行人擢御史分司留臺時總憲汪
鉉懷而險阿譽時相恩疏論之會彗星見東井又抗劾張孚敬汪鉉方
獻夫爲根本腹心門庭三彗復倣范希文百官圖例悉品諸大臣得失
詞甚峭厲上怒逮下詔獄適鉉遷太宰以例會審南闕門汪令校卒特
轉膝面之恩即起立不跪辨其強項汪遂論比附大臣德政律當斬恩
挺身出觀者皆噴噴歡曰是御史鐵膝鐵口鐵膽鐵骨相傳爲四鐵御
史及冬當就法適恩長子行可以童年刺血上疏訟父冤請代死後得
減戍雷州赦歸雷人記之十賢堂配宋寇準輩穆廟登極旌諸言事者
恩年七十二矣進大理寺丞編年考

楊慎以諫謫戍雲南永昌衛年七十二感懷詩曰七十餘生已白頭明明
律例許歸休歸休已作巴江叟重別翻爲鎮海囚遷謫本非明主意網
羅巧中細人謀故園先隴痴兒女泉下傷心也淚流又訣李中溪元陽

張半谷含唐池南錡三公詩曰魑魅禦客三千里羲皇上人四十年怨
誹不學離騷語正葩寧爲風雅仙知我罪我春秋筆今吾故吾逍遙篇
中溪半谷池南叟此意非公誰與傳穆宗卽位追贈光祿寺少卿編年考
李東陽送錢先生致仕詩成化己亥冬公來自南國維時龍興節奉表宸
旒側入朝未浹旬具疏寫衷臆臣年七十二鬚髮不復黑乞身謝圭組
歸來東南域聖皇眷耆舊曰汝予輔翊加官號冢宰名位班九棘馳封
及三世茲典尤絕特公卿睹盛事道路眼爲拭文章夷晷蒲姓字兒童
識西涯集

袁洪愈字抑之家貧讀書道院遇暑盟凉水夜就神前剩燭供讀卽蚊萃
下知也嘉靖進士歷太子少保乞致仕年七十二給夫廩又二載而歿
賦性剛介始不合於嚴嵩繼不合於高拱張居正急流勇退以清白遺
子孫蘇州府志

孔子將終抱麟解綏而泣時年七十二類書
徐穉字孺子靈帝初欲以蒲輪聘穉會卒年七十二

後漢書

申屠蟠字子龍孝稱州郡旌其門閭徵聘不就年七十二魏二十四賢狀

郝愔字方回性至孝開廂忽超死晚年七十二卒追贈侍郎晉書

孫盛字安國清盛廉明遷秘書監加給事中年七十二卒自少至老驚學

不倦手不釋卷著晉陽秋詩賦論難數十卷晉書

樊子蓋字華宗屢興州牧以善政聞大業初以金紫光祿大夫朝帝於江

都帝曰富貴不歸故鄉如衣繡夜行耳勅廬江郡設三千人會賜米麥

六千石使謁墳墓宴故老當時榮之後以軍功封濟公卒於京第年七

十二諡曰景會墓者萬餘人立碑頌德廬江縣志

姚崇年七十二卒唐書

屈突通卒年七十二贈尚書僕射諡曰忠魏徵對帝曰今號清白死不變

者屈突通張道源通二子來調共一馬道源子不能自存故通之清亦

顯云唐書

令狐楚字殼士卒年七十二贈司空諡曰文楚外嚴重不可犯而中寬厚

待士有禮疾甚不御藥自力為奏謝天子令門人李商隱曰吾氣魄白

盡可助我成之命無請諡勿求鼓吹銘誌勿求高位是夕有大星隕寢
上其光燭庭坐與家人訣乃終

宋祁唐書

劉禹錫年七十二卒

唐書

陳融廣陵人有隱德不出鄉而里閭化之年七十二卒貞元初呂溫見鄉
之人父慈子孝長惠幼敬曰芳蘭所生其草皆香美玉所積其山有光
必有賢者生於是矣遂停車累日用訪故老果曰陳融孝慈仁信不學
不仕今也則亡清風猶在溫曰先生以純德至行沉輝含耀可無表章
之哉私謚曰貞晦先生

揚州府志

司空圖字表聖居中條山王官谷作亭曰休休自號耐辱居士賊盜所遇
殘暴獨不入王官谷人依以避難朱全忠篡召爲尙書不起哀帝弑不
食卒年七十二

唐書卓行傳

崔從字子義與兄能偕隱會歲飢拾橡實以飯講學不輟擢進士第累官
至戶部尙書淮南節度使太和六年卒年七十二下有剗股肉以祭者
贈司空謚曰忠從爲人稜稜有風望不喜交權利忠厚而讓階品當立

門戟終不請位方鎮內無聲妓娛玩士大夫賢之

唐書

方祐字天貺恭約好禮嗇已厚人高價買產賤價糶廩值荒歲則傾困無吝色每幅巾野服徜徉道旁野叟村童歡喜出迎曰長者來矣飢食寒衣病藥死棺人人滿意祐孫萬讀書至己所不欲勿施於人語之曰此吾生平得力處年七十二卒塋福平山

萬姓統譜

張齊賢字思亮歷官至左僕射卒年七十二謚文定

宋史

呂蒙正字聖功狀元宰相卒年七十二

弘簡錄

向敏中字常之累官至資政殿大學士賜詩褒寵薨年七十二帝臨哭之

勳輟朝三日贈太尉中書令謚文簡

宋書

呂公著字晦叔拜司空同平章軍國事詔建第於東府之南啟北扉以便執政會議三省密院之職皆得總理明年薨年七十二太后泣對輔臣言朝廷不幸司馬相公既亡呂司空復逝帝亦悲感即臨其第贈太師封申國公謚正獻

弘簡錄

顧臨字子敦會稽人神宗詔編武經要畧且召問兵對曰兵以仁義為本

動靜之機安危所係不可輕也因條十事以獻出權湖南轉運判官提
舉常平忤執政罷歸元祐二年朝廷方事回紇拜天章閣待制河北都
運使蘇軾等言臨資性方正學有根本對駁議論有古人風宜留寘左
右不報年七十二卒紹興府志

王蘋字性伯程門高弟孫公祐列先生學行於朝召見賜進士出身除秘
書省正字累官至左朝奉郎致仕壽七十有二淵源錄

林冲之字和叔元符進士靖康初使金同被拘執奮厲見於詞色金人怒
遷之奉聖州又逼仕偽齊不屈再徙上京幽佛寺中十餘年冲之以義
命自安髭髮還黑病亟語同難者曰某年七十二持忠義入地無所恨
但國讐未復抱此永終南向一慟而絕弘簡錄

尹焞字彥明致仕居紹興二年而歿年七十二矣上命越制以贈官
四等尹和靖先生墓志

包廷藻字文淑號南澗幼穎異及長銳然尚友古人性嗜酒雖百觴不亂
當酣適時岸巾獨坐高歌八韻又無機心四方來從肺腑相示至元丙

子二月十二卒壽七十二卒時危坐賦詩有脫胎換骨之句

宋濂集

處士劉英年七十二卒陳克勤志其墓以為孝友似黃山谷高蹈似魏清

逸曠達似楊鐵崖庶幾實錄云

列朝小傳

俞遠字之近稱空谷先生身癯神骨秀疎目光輝燁好着小冠戴方山櫬

笠衣白緇裘儼然神仙中人行出一市盡驚冠發乃築土為室咏歌其

中長吟短咏語必驚人卒年七十二

豆亭集

陳過字中行自少篤學仕元為温州教授兵亂棄官太祖克金陵泰元之

薦於上召見稱先生而不名既定賜養畫實多累除皆固辭上嘉獎連

和君子曰卿即老不欲仕有子令帶刀侍衛亦叩首以幼辭卒年七十

二董倫志其墓

延寧漫筆

宋景濂年七十二卒正德中謚文憲

明史

朱善字脩萬洪武中累官至文淵閣大學士卒年七十二卒之前有星如

虹墜其舍正德中謚文恪

明史稿

商輅字弘載號素庵宣德乙卯會元輅二十登解又二十年登第四年而

以修撰入閣七年而忤石亨爲民歸十年而復召入十年而以少保兼
太子太保吏部尙書謹身殿學士致仕居家十年而卒年七十二謚文
毅三元考

兩所李先生嵩隱居陽山以詩酒自娛嘗有詩云一室焚香几獨凭蕭然
興味似山僧不緣嬾出亡巾櫛免得時人有愛憎年七十二病亟家人
迎醫閉目握手曰數盡矣留連何益坐而逝嘉靖壬辰六月十七日也
夷白齋詩話

陳紀字德廉性至孝母喪既祥且禪猶蔬食水飲廬墓三年一夕甘露降
於庭人謂孝感所致天順己卯領鄉薦通判寧國清節凜然卒年七十
二浙江通志

王思任字季重聞燕京陷輒放浪山水間詩歌書法與董其昌陳繼儒相
頡頏時論以其性輕脫目以郭舍人一流年七十二棄家入秦望山卒
遺有清暉閣集文飯集紹興府志

七十三歲

絳縣老人年長矣自言臣生之歲正月甲子朔四百四十五甲子矣師曠曰七十三年矣史趙曰亥有二首六身下二如身是其日數也士文伯曰然則二萬六千六百有六旬也按每一甲子該六十日師曠合之得七十三年古亥二畫在上三人在下故以二爲首六爲身也移下亥字墜直身傍當爲身字此是老人始生至今之數蓋以二首爲二萬六身爲六千六百六十日也傳又絳縣人七十有三年矣趙孟仕之爲君復陶汪服以爲絳縣師

龔遂字少卿年七十三形貌短小宣帝召爲渤海太守帝見以老而短小甚輕之渤海廢亂君何以治之遂曰臣不能勝之能安之且聞治亂民猶治亂繩不可急也願無拘臣以文法得一切便宜從事上許之遂單車獨行至渤海移書屬縣悉罷捕盜賊令但持田器者爲良民持兵器者爲盜賊郡盜悉平遂見齊俗奢後勸民儉約務農桑賣劍買牛賣刀買犢編年考

樊英年七十三歲詔以英爲光祿勳還家縣給穀千斛常以八月存問高

年賜羊一頭酒三斛

編年考

第五倫歷官司空七十三歲致仕乞休勅賜二千石俸終其身錢五十萬
市宅一區初倫拜會稽太守能自刺繭養馬妻執炊爨受俸僅餘百日
糧所餘盡與民之乏者歷九江沛二郡所在化行

編年考

閭閻爲吏適太守第五某年七十三被徵倉卒寄厰錢百三十萬埋堂上
遭亂道梗時太守一門病亡止孤孫九歲道通孫來叩厰遂穿爨寄錢
與之孫曰亡祖只云三十萬耳今乃百三十萬不敢當也厰曰府君昏
憤中迷謬耳郎勿疑也

編年考

劉寬字文饒弘農華陽人溫仁寬恕吏民有過但用蒲鞭罰之示辱而已

七十三歲棄官入山服丹衷得道

編年考

何胤隱若耶山家世皆不求唯祖尙之至七十三胤年登壽考乃移還吳

作別山詩一首言甚悽慘後至八十六

類書纂要

唐政累官至武泰節度年七十三侍立殿下雖久無惰容能上馬踴躍觀

壯之宋書

大舉北討使諸鎮各出兵後軍外兵叅軍龐季明年已七十三秦之冠族羌人多附之求入長安招懷關陝乃自資谷入盧氏

宋書

蕭介七十三歲以光祿大夫致仕居家性高簡少交遊惟與族兄琛從兄肅素及洽從弟淑等文酒賞會時人以比謝氏烏衣之遊武帝嘗曰臧遁之飲蕭介之文即席之美也

南史

褚無量七十三歲為侍讀令出入緩行又給輿內殿皇太子與諸王方數

歲無量手抄論語孝經各五本上之上曰吾知無量意無量

編年考

白樂天詩七十人難到過三更較稀占花租野寺定酒典朝衣趁醉春多出貪歡夜未歸不知親故友道我是耶非

又遊趙村杏花詩遊村紅杏每年開十五年前看幾回七十三人難再到今春來是別花來

又開龍門八節石灘詩七十三翁旦暮身掛開險路作通津夜舟過此無

傾覆明脛從今免苦辛十里叱灘變河漢入寒陰獄化陽春見

入地獄經

我身雖歿心長在暗施慈悲與後人

長慶集

孔戣

一作

字君嚴仕唐爲尚書左丞年七十三上書求去官韓愈曰公

尙壯上三智奚去之果曰吾敢要君吾年至一宜去吾爲左丞不能進

退郎官唯相之爲二宜去

韓昌黎集

齊已剗渚感懷詩電擊流年七十三齒衰氣阻竟何堪誰云有句傳天下

自愧無心寄嶺南曉漱氣嫌通市井晚烹香憶落雲潭鄰峰道者應彈

指蘇剗藤蘿舊石龕

全唐詩

耆英會楚建中正叔年七十三歲倏倏雜識自顧顏齡七十餘久慙頑鈍

費洪鑑歸逢大老耆年會衰朽形骸愧畫圖二相謨猷爛史編諸公

才業過前賢好圖儀像傳來世何事踈頑亦比肩

事文類敘

元豐間章帖守郡與郡之長老游從各飲酒賦詩時米黻禮部以杭州從

事罷經由爲作叙叙諸老之德甚詳十老爲大中大夫致仕上護軍漢

陽縣開國子盧莘仲新年八十二奉議郎致仕騎都尉尉賜緋魚袋黃挺

公操年八十二正議大夫充集賢殿修撰致仕上柱國廣平郡開國侯

程公孟師闢年七十七朝散大夫致仕上輕車都尉鄭方平道卿年七

十三朝議大夫致仕護軍清豐縣開國子賜紫金魚袋閻丘孝終公顯
年七十三中散大夫知蘇州軍州事河間縣開國伯護軍賜紫金魚袋
章岵伯望年七十三朝請大夫主管建州武懿山冲佑觀賜金紫魚袋
徐九思公謹年七十三朝議大夫致仕上柱國彭城縣開國子賜紫金
魚袋徐思閔聖徒年七十二承議郎致仕騎都尉賜緋魚袋景大年靜
之年七十一龍圖閣直學士正議大夫提舉杭州洞霄宮河間開國侯
張詵樞言年七十人合七百四十六歲十老各有詩米飯序之叙曰
中散大夫河間公清德懷氣惟時老成高誼勁節縉紳所仰靜鎮吳國
四周星紀歲序遷洛公庭晨虛乃闢郡齋會九俊老惟內閣清和公神
宇軒拔德望昭然名震寰宇勳書冊府正議大夫廣平公秀實孤耿清
標邁邁聲望動於汗青大甲大夫濮陽公冲襟爽澈淑質端靖積
厚施衿父子顯榮朝議大夫清豐公朝義大夫彭城公朝議大夫徐公
朝散大夫鄭公並道韻虛曠內德淳耀或中臺耆彥或四方庸俊出處
有裕始終一德愷悌利愛布在世間承議郎崇君奉議郎黃君素行際

修里開標準早解簪綬仕路式瞻咸頌頌德天錫難老貌若遼鶴言
爲龜鑑於時羽觴屢酬雅章疊作叙懷感遇樂時休明頌汾之間穆如
清微薰如太和夫學本美身仕欲行志名節旣立榮利後之若諸公
積儲淵深末極經緯而不苟於得進退從容千祀可垂後生仰止以襄
陽米散倦遊四海多出宿僚刻繪旣傳屬爲序引嗚呼樂道人善君子
有之顧蔽何堪忝於承命謹序

蘇州府志

趙槩字叔平虞城人七十三歲致仕退居集古今諫諍事百二十卷號集
諫林上之槩厚德長者生平絕無嫌怨神宗朝與歐陽永叔同秉政及
永叔被誣槩密申辨理至欲內誥勅以保之而永叔不知也

編年考

真率會王謹言字不疑七十三歲

太平廣記

文彥博七十三歲自河南入覲帝曰朕之立卿之功也彥博悚然對曰陛
下入繼大統乃先帝憲皇太后協贊之力臣何功之有且陛下登儲纂
極之時臣方在外皆韓琦承聖志受顧命臣無預焉帝曰備聞始議卿
於朕有恩彥博避謝不敢當

編年考

伊川先生謂張繹曰吾受氣甚薄三十而浸盛四十五而後完今生七
十三年較其筋骨於盛年無損也繹曰豈以受氣薄而原為保生耶先
生默然曰吾以忘生狗欲為深耻遺書

劉貢父作給事中時鄭穆學士表請致仕狀過門下省劉問同舍曰宏中
年若子曰七十三劉遽曰慎不可遂其請且智取伴八十四底時路公

一年八十四再起平章或云潞公聞之甚不懌宏中穆字也明道雜志

巢谷字元修眉山人蘇轍謫嶺海谷年七十三徒步獨訪握手相泣轍曰

子非今世人也又欲海南訪蘇軾轍力止之乃止編年考

樸翁聞人韓南老就恩科有來議親者韓書一絕示之讀盡文書一百

担老來認得一青衫媒人却問余年紀四十年前三十三樸檄單父人

當宦於政宣間續志唾玉集載詹又登科解嘲詩讀盡詩書五六担

老來方得一青衫家人問我年多少五十年前二十三

紹興間黃公度榜第三人陳修敏修福州人備錄解試四海想中興之

美賦第五韻隔聯對云葱嶺金堤不日復廣輪之士泰山玉牒何時清

封禪之塵時諸郡試卷多經御覽高宗親書此聯於幅紙黏之殿壁及
唱名玉音曰卿便是陳修吟誦此聯凄然出涕問卿年幾何曰七十三
問卿有幾子曰臣尚未娶乃詔內人施氏嫁之年三十貲奩甚厚語曰
新人若問郎年紀五十年前二十三其年第五人方翥興化人解試中
興日月可冀賦一聯云竹觀僚屬復光司隸之儀忍死須臾咸泣山東
之淚亦經御覽親筆錄記唱名曰特令加一資上恢復初志隨寓發見
感憤如此而卒於不遂秦檜之罪可勝誅乎鶴林玉露

周必大戊午仲春同甲小集各年七十三會老三人似穎川伯威德生同

絳縣免疑年尊常有酒何妨醉事每無心即是仙儉欲固應知足足忘

形誰問是石屑香山已寫丹青像德源近繪終誦仍憑副墨傳益公癖

陸放翁七十三吟七十三年事事新涵濡幸作六朝民髮無可白方爲老

酒不能賒始覺貧末路已悲身是客此心猶與物爲春柴門忽謂常岑

寂時有鄉鄰請藥人宋詩水

郭資字存性武安人登洪武十八年進士成祖曰資朕蕭何也宣德四年

資七十三歲復召入掌戶部事免朝叅資益恭慎祁寒暑雨必入署視事不少休封湯陰侯

編年考

周忱字恂如吉水人字量恢宏才識通敏永樂二年進士嘗任巡撫江南蒞事精勤臨民和易有善謀者雖卑官賤吏開心訪納性尤機警籌畫諸郡錢穀鉅萬一屈指無遺筭嘗爲冊曆記日所行事及陰晴風雨有告報輒按據詰訊人莫能欺每出會計張弛調劑民無逋負官有餘積前後理財者皆不能及久智二十二載年七十三進尙書去之日江南皆建生祠卒諡文襄

編年考

尹正言學士自禁林退食語同僚曰吾從父行簡公壽七十有三矣今日適當初度適在大江之西某不能從諸子進一觴想家居學士必在庭敢假重於諸執事各惠以篇章則球琳琅玕交陳當前黃鐘大呂更倡迭奏二三老人得以憑几而聽之未必不爲期願之一助也

徐謙齋文集

薛瑄永樂進士正統紀元爲提學山東學校瑄首以朱子學規開示學者諸生皆呼爲薛夫子太監王振專政召瑄爲大理少卿至京閣臣皆勸

謝振瑄不往振自是銜瑄尋以事誣瑄詔逮瑄縛詣市殺之門人皆奔走哭而瑄神色自若會振有老僕是日大哭厨下振問何哭僕對曰聞今日薛夫子將刑故也振聞而意解適兵部侍郎王偉申救遂詔赦家居英廟復位瑄年七十三遷禮部侍郎入內閣尋乞致仕歸卒謚文清

編年考

杭州耆老會孫適鄧文敏皆七十三

委宛餘編

魏驥字仲房端慎簡默清苦自勵景泰初乞骸骨始得歸年七十有三矣

家居二十餘年布袍素食不別治生惟率鄉人修湘湖以防水患

謝鐸字鳴治浙江太平人成化元年進士授翰林編修校勘通鑑綱目修

實錄遷禮部侍郎掌國子祭酒事公律已率人嚴立規約以俸資贍諸

生之貧者七十三歲因劉瑾用事遂致仕歸收掇方正學遺文行於世

并自著書數種

編年考

海瑞字江峰居官剛直忠勁鋤強削暴爲一世廉正之風七十三歲以左

都御史致歸

編年考

崔文奎七十三歲自陳守戰功特陞少卿

編年考

王端毅恕仕吏部尙書七十三歲弘治元年議保治奏狀言正統以來每日止設一朝臣下進見不過片時聖主雖聰明豈能盡識盡察不過寄聰明於左右之人未必盡合公論或得於毀譽之言或出於好惡之私見故以直爲枉以枉爲直者多欲察識之得其真必須陛下日御便殿宣召諸大臣與之講論治道議政事或令轉對或閱其章奏如此非惟可以識大臣而隨才任事亦可以啟沃聖心而進於高明矣端毅此疏實開孝宗明聖之德至正德三年壽九十三終

編年考

孔子七十三歲病子貢請見孔子方負手曳杖逍遙於門歌曰泰山其頽乎梁木其壞乎哲人其萎乎既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放夫子殆將病也遂趨而入夫子曰賜爾來何遲也夏后殯於東階之上則猶在阼也殷人殯於兩楹之間則與賓主夾之也周人殯於西階之上則猶賓之也而卽也殷人也予疇昔之夜夢坐奠於兩楹之間大明王不興天下其孰能

宗子始將死也蓋寢七日而歿乃魯哀公十六年四月乙丑哀公誅之曰昊天不弔不憖遺一老俾屏予一人以在位歿予在疚嗚呼哀哉尼父無自律葬魯城北泗上弟子皆服心喪三年畢相訣而去則哭各復盡哀或復留惟子貢廬於塚上凡六年然後去弟子魯人往從塚而家者百有餘室因名曰孔里

編年考

安定皇甫嵩真玄菟曹元理並明筭術皆成帝時人真常自筭其年七十三綏和元年正月二十五日晡時死書其壁以記之至二十四日晡時死其妻曰見其筭時長下一筭欲以告之應脫其旨故不敢言今果差一日真又曰北邱青隴上孤櫬之西四丈所鑿之入七尺吾葬地也真死依言往掘得古時槨卽以葬焉

西京雜記

周磐年七十三謂子曰吾夢先師東里先生與我講於東堂之東而長歎豈我齒之盡乎朝會集諸生講論終日乃令其二子具日月望日無病而終學者謂其知命

後漢書

崔湯字道淵潯陽人篤行純素仁讓廉隅不屑世事耕而後食永嘉末寇

害相繼聞湯名德皆不敢犯鄉人賴之年七十三卒晉書隱逸傳

顧協字正禮梁鴻臚卿僕繁機密每有制述勅前示協時人榮之大同八年卒年七十三無衾以歛武帝悼惜之初爲廷尉正冬服單薄蔡法度欲解襦與之而不敢發曰少時聘舅女未成婚而協母亡免喪後不復娶至六十餘此女猶未他適協義而迎之晚雖判合卒無胤嗣潁州府陸修靜吳興人隱廬山簡寂觀從道士教時慧遠陶淵明與善修靜與焉後羽化色如生諡簡寂先生慧遠送客不過虎溪過則虎輒鳴吼送靖節修靜不覺過虎溪虎驚吼相顧大笑世傳虎溪三笑好事者繪爲圖始於廬楞伽世人臨摹者多而儒先是非之者不少宋樓鑰曰以吳筠簡寂觀碑考之修靜與慧遠相去久遠似非其人王偉經行廬山記云慧遠卒於晉義熙十二年丙辰年八十三修靜歿於宋元徽五年丙辰壽七十二相去六十載推而上之修靜生於義熙三年丁未慧遠亡時修靜纔十歲耳至宋元嘉末修靜始來廬山則慧遠之亡已三十年淵明之死亦二十餘年矣若淵明生於晉興寧二年乙丑少慧遠三十一

歲終於元嘉四年丁卯距慧遠亡年已五十年矣固宜相從也安取所謂三笑哉是之者則曰自蘇長公作三笑圖贊而黃太史遂以三人者實之如蒲傳正劉巨濟晁無咎之流皆明著之篇翰陳舜俞造廬山記亦與太史相同此數公者皆號博學多識修靜之事其有不考者乎蓋晉有兩修靜議者弗之察故遂致此紛紜也趙彥通廬嶽獨笑之編乃黃口小兒強作解事者爾

宋文憲公集

顏延之年七十三卒

宋書

沈約字休文年七十三諡曰隱侯

南史

徐孝克陵弟性至孝官國子祭酒每侍宴無所食噉至席散膳羞損減帝密記以問中書管斌斌伺之見孝克納珍果於紳帶中尋訪方知其遺母斌以語帝嗟嘆良久乃數日宴享孝克前饌並遣將還以餉其母時論美之卒年七十三

南史

無染善住院僧忽於東臺麓見化寺額曰福生至二門守者呵曰汝有怪垢不應入此染乃超出回盼失之乃盡施所有嘆曰大聖做我豈徒然

哉行道禮臺凡五十三次年七十三一日告衆作蠟衣衣之服香水七日而燃身中臺於烈燭中說偈火光若紅蓮華金色童子端坐其上移時大威香風遍扇花雨繽紛建塔梵仙山下至今宰堵猶存清涼山志

劉處靜年七十三自爲撰志歸封玄墟後數十年人見在襄漢間語其弟

子雲之所存惟劍履焉處州府志

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

王時人皆稱嘆以爲與孔子同壽五代史

齒譜卷之七十三歲

七十三歲

七十三歲

七十三歲

七十三歲

七十三歲

七十三歲

登科忽一日從容書曰七十三年聖師之壽許國何人敢繼其後唯是平生恪遵善誘故從門人啟余足手即端坐瞑目加朝服而終屬姓統冷世修字良器與兄世光同舉紹興進士初授宗德主簿太守張瑜異之後理椽獄一空隆興中知興化上元秩滿吏民詣臺請留丐祠歸作畱耕堂以示子孫卒年七十三終朝奉大夫潁州府志

黃覺字明先景德進士任殿中丞有詩名與楊文公劉子儀章郇公宋宣公與之唱和因送客都門外入旅舍遇洞賓曰明年江南相見旣而果得江南一道士贈大錢七文其次十文又小錢三文與藥寸許曰每歲以酒磨服可保無病七十餘藥垂盡作詩曰床頭曆子無多日屈指明年七十三是年果卒劉貢父詩話

任伯雨字德翁眉山入遂於經術文體雄健登進士第首擊章惇繼論蔡卞居諫省半載上一百八疏皆係天下治亂安危卒年七十三紹興初贈直龍圖閣謚忠愍楊州府志

柳貫字道傳受經於金履祥局度凝定燕居默坐端嚴若神孝友本乎天

性以獎進人才爲己任與盧集揭傒斯黃潛齋名天下稱四先生卒年七十三通志

魏憲字令則紹興進士國子司業親喪三年弗嗜酒肉廬於塚次塋域有芝草甘露之祥再爲司業以學行見推累至吏部侍郎歸鄉各所居曰止庵優游求志十餘年年七十三無疾危坐而逝吳郡志

濟顛者本名道濟風狂不飭細行故稱濟顛出家靈隱寺寺僧厭之遂居淨慈寺爲人誦經下火累有果證年七十三端坐而化今寺中尙塑其像西湖志餘

許衡年七十三卒是日大雷電風拔木衡嘗語子曰我不幸爲虛名所累竟不能辭官死後慎勿請諡但書許某之墓使子孫識其處足矣及卒從其命朝野莫不哀傷後贈司徒諡文正五朝詩

朱德潤字澤民好詩文善書仁宗召見命爲應奉翰林又明年大雪英宗獵於柳林召見獻雪獵賦累萬餘言三旦入統師東征起叅軍事慨然應命遂定杭州二郡至正十五年卒年七十三存復齋集

鄭元祐字明德僑居平江學者雲集浙省臺憲爭以潛德薦辭疾不願仕
後擢浙江儒學提舉卒年七十三明德兒時以乳母失手致傷右臂比
長能左手作楷書規矩脩至世稱一絕遂自號尚左生時玉山主人草
堂文酒之會名輩畢集記叙之作多推屈焉僑吳集

楊果字正卿累官至叅知政事薨年七十三諡文獻正卿美風姿善諧謔
文采風流照映一世工詩文尤長於樂府有西庵集元詩末

王鑑字明卿杜門隱居無齟石儲應門獨一老婢客過輒令叩鄰家問酒
酒至對客劇飲談論不輟晚節益高張士誠據吳獨造廬訪之勸以仁
義得民士誠嘉納嘗曰明卿高世士也卒年七十三士誠令有司送葬
恤其家爲買地橫山墓焉明卿集

梁仲仁字大舉號梅谷刻勵尚氣節洪武中任判官卓有異政以老母辭
歸求樂召至以老懇致仕卒年七十三家素豐裕而自奉儉約好士喜
施長身高論衆人中鶴立雞群也王洪爲著梅谷先生傳萬姓統譜
是義字宣之歷仕五朝官至少師卒年七十三諡忠定列朝小傳

張輔字文弼有父風父王元樞密知院歸明戰死東昌輔死土木之難年七十三追封定興王諡忠烈列朝小傳

張和字節之崑山人正統戊午與弟穆公舉進士廷試舉和第一以口告

改二甲第一移疾家居執經者日踵其門進浙江叅政致政歸無以爲

生門生故吏爲買薄田以終老焉卒年七十三崑山稱二張先生蘇州志

柴奇字德美正德辛未與弟泰同登進士觀政吏部上書言東南水利楊

一清大奇之上其議特用尙書李充嗣司其事績用告成拔吏科給事

中平山東流賊有金織鸞袍之賜在諫垣政言諸疏大節凜然乞休家

居杜門謝客年七十三賜塋祭蘇州府志

徐渭字文長年七十三卒徐青藤集

王伯稠字世周崑山人少有俊才父携之入京見城闕戚里之盛輒有味

歌時號神童王弇州在北都請與相見曰是吾輩人會鄉試見監試者

列卒露索遂掉頭出生平說詩不及長慶卒年七十三蘇州府志

李正時字希白萬曆間貢祭酒諸生四十八年凡應鄉舉者九中副車者

五坎壈不遇卒履貞素食貧如節卒年七十三龍眠雅
辭矣不願仕

